



重脩統宗譜序

譜者上溯功德之隆下篤宗盟之誼者
也是故極之黃炎虞夏數千百載之遙
而詳厥世系俾祖功宗德炳如日星推
之南朔東西數千百里之廣而聯其脉
絡俾萬葉千枝總歸一本此蓋仁孝之

化字號

思纏綿固結於以闡揚先澤嘉惠後賢
寧第連篇累牘序世次之繁文已哉余
閱江氏族譜其先世本自顓頊至伯益
季子元仲封於江以國為氏歷夏殷周
元仲之裔濟公佐周而益之封地其爵
子國號如故春秋時併於楚廢為濟陽

郤此濟陽江所自來也漢有革公號次
翁純孝升聞子孫蕃衍昌熾積善之家
必有餘慶信夫晉有統公官散騎常侍
忠於王室上徙戎論而不用其徙子適
公官侍中劉宋時湛公先逆郤之難諡
忠簡梁有淹公擅文章陳有總公官僕


射吳越歸趙宋時景房公有沉籀之功
其亂彌盛宋末萬里公國亡死節贈太
師謚文忠此皆傑然特出者其他績著
旂常勲垂廊廟嘉言懿行碩士文人不
勝殫述歷魏晉五代隋唐宋元明枝蕃
派衍各望其地各宗其譜山之東河之

南壯江之左右閩浙燕楚所居成聚濟
陽之族幾遍天下吁亦盛矣哉今江子
維山建三等懼功德之湮而不彰也宗
盟之渙而不萃也爰輯宗譜而重脩之
其殆仁孝之思油然而動於中而不能自
已者乎且夫一人之身分而至於百千

萬億不可窮盡其初本一人之身也血
脉相流通意氣相浹洽所謂天之生物
使之一本無容岐而二之者也世之人
骨肉也而秦越視之手足也而寇仇視
之甚且鬩牆起釁同室操戈此其人系
知隆一本之愛又烏知溯源於千百載

之遙尋流於千百里之廣哉今江子其
亦有鑒於是而仁孝之思油然而動於中
而不能自己者乎然則觀斯譜者溯巨
孝之垂德則思所以事親仰忠貞之遺
範則思所以事君且思百千萬億之人
而原出於一人之身如何而萃賑之如

何而敦睦之如何而友愛任卹之將同
氣同體之愛隆而闐墻操戈之釁息和
氣流通仁風浹洽雖數千百載之遙而
功德愈顯數千百里之廣而宗盟益篤
則斯譜之重修其敬宗收族之意豈不
深且遠哉若夫昭穆條分尊卑不紊支



派縷析遐邇罔遺則有舊譜紀序之文
茲不復贅

皇清乾隆三十一年歲在丙戌十月之望
賜進士出身
特授通奉大夫

予告順天府府尹

恩加一級前光祿寺卿鴻臚寺卿戶科掌

印給事中掌浙江道監察御史翰林

院編修三侍

經筵



京察加四級新安海陽雙橋程盛修拜

漢陽府志卷之三

三



撰



徐



濟陽江氏統會宗譜卷之一

目錄

卷一

新序

歷代譜序


勅

丙戌修譜人名

卷二

各派容像

卷三上



凡例

家訓

勝會引

譜說

修譜議

書

跋

記

輓詩

臨清軒序



記

壽序

傳

賦

實錄

卷三下

壽序

傳

像贊

行狀



卷四

先賢詩

八景詩

登科錄

襲慶圖

精兵熟武

承恩僭爵

贊化調元

宣德承流

義傾宗黨



德推上下

行冠古今

館閣英才

林泉傑士

安貧樂道


尚禮崇儒

風月襟懷

江湖意趣

歷代會修

協修人名



遷派

支分阜白

譜引

卷五

統宗世系

卷六

婺北謝坑江村世系

婺北東山世系

婺南長源世系

德邑朱林世系



婺北宋村世系

婺東大鱸世系

婺北金村世系

卷七

婺北羅雲世系

婺北橫坑口世系

婺北花園村世系

婺北洪椿東山世系

婺北新源隱山世系

卷八



濟陽江川宗譜
卷之十一
婺東旃才世系

婺北水路世系

婺北均背世系

婺批田前世系

婺北西園坦世系

婺白石嶺下世系

卷九

婺北白石塢世系

卷十

婺西澄坑世系



祁門新溪世系

卷十一

婺西虎闡石嶺頭世系

婺西虎闡世系

卷十二


婺邑香田世系

婺邑香坑世系

婺邑遷德興游奕塢世系

婺邑苧田橋世系

婺邑南川世系



婺邑大田江村世系

婺北橫路世系

卷十三

婺北謝坑上村世系

婺北石山頭世系


婺東高梘源世系

高梘源遷本城西門世系

婺北江嶺世系

婺北胡資田世系

婺東曉川世系



婺東港川世系

婺邑金盤世系

婺邑胡坑世系

卷十四

徽州府南街世系

徽州府溪波世系

卽穎園

歙南倒坑牛嶺後世系

倒坑江家山世系

歙南梅口世系

卷十五



休寧梅田世系

休寧梅田遷婺南臨河世系

休邑澗田世系

休邑澗田遷太平石雲世系

休邑豸川世系

黟縣江村世系

黟縣麗村世系

黟縣林村世系

黟縣麻田世系

黟縣里田世系



卷十六

旌德從政公支世系

附南京遷廣東世系

旌德從厚公支世系

太平文埜世系

太平長源從義公支世系

歙北豐瑞里世系

涇縣大白花世系

卷十七

湖鎮世系

湖鎮岡門世系

柴埠永安世系



外地世系

石碇橋頭世系

兌門四房世系

兌門遷公世系

溪灘江世系

龍塘上江世系

卷十八

遂邑水西源擇樹壟世系

遂邑上方樓底世系

遂邑上方百畝車頭世系



遂邑下宅上方車頭世系

下宅百畝坂車頭世系

遂邑下宅濟坂大川世系

遂邑大塘世系

卷十九


遂邑芳山上江世系

遂邑上宅濟坂世系

渡頭世系

卷二十

遂邑茂坪世系



齊易上...

目錄

八

遂邑江村世系

卷廿一

浮邑水龍口江村世系

南昌府進賢縣江家坊世系

卷末

墓誌

墓圖

跋

其有已經會知因遭歲歉未入續者亦附于後



開化桂岩
渥溪
塘頭

小山
霞岡
溪下

潭口
荆山
石門

常山源口
后俠
小溪武顯支

玉渡
文圖
漁瀝

杭州錢塘仁和
貴池洪石潭

彭澤石龍源
東流縣

浮梁嚴溪
誥峯
塢頭

街口
李源
坑口

錦江
景鎮李施渡



鄱陽傍舍 兆田 樓下板冲

磨刀石 郭邴山 江家埠

銀寶 連山 九山左源

江家壩 觀山

童子渡 山田 芝城上官嶺

芝城南門 東門

諸派今會未入以俟後之會修者幸勿遺漏



乾隆癸未年主修人名

婺北謝坑江村

初良

廷儵

廷佺

花園羅雲

起俊

起倫

廷麟

婺南長源

振高

各派協修人名

婺北謝坑江村

文琅

廷証

廷鳳

維烜

萬瑤

濟永

仁銓

婺北東山

文壽

婺南長源

振文

振朝

仁爰

振尙

振生

濟乾

婺北宋村

婺東大鱗



婺北金村

婺北羅雲

起鈇

起芳

起祐

起鑰

起亨

起忠

起伋

光觀

橫坑口

振敖

起達

花園村

侔三

鵬萬

花蘭

洪椿東山

起光

光歡

隱山

起滿

光恭

婺東旃才

文瀛

文泮

文澍

婺北水路

道源


起宿

兆圭

均背

元初

田前



西園坦 一滴 元利

白石嶺下 鳳岡 一板 一輪 一酉 一擇

椿源 文蘭 文拱

葵邑澄坑內門 大恕 起鎮 兆侃 兆柔

澄坑外門 有梧 永煌 永選

虎闌石嶺頭 爾芬 震為

虎闌 知聖 公悅 濬川 蘭玉 子長 聖瑞 耀如

又周 煥文

香田 起勝 附昔大源 起鵠

香坑 秋 夷婆



濟陽江... 卷之一
葵邑遷德興游奕塢 德虎 德豹 永貴 永換 永祈 永極

芋田橋 起龍

南川 文美 其中 士淇

大田江村 天瑞

葵北橫路 志生 志武 志來 志標 雨沛 雨湖

雨初 雨壽 雨禮 雨桂 雨潢

謝坑上村 萬億

石山頭 仲燁 養均 文錦

葵東高梘源 觀生 社生 佑

葵北江嶺 瑞三 燦文



胡資田

接生

婺東曉川

滿炳

滿燎

恭墳

廷鸞

婺東曉川遷常山塘下

婺東港川

起印

婺邑金盤

夏喜

婺邑胡坑

元邦

元昊

仁堂

徽州府南街

啟錕

鍾岱

溪波卽穎園

維棣

歙南倒坑牛嶺後

萬祿

百啟

百禮

百慶

百祿


志有

倒坑江家山

士堂

景袖

景富



歙南梅口 之鋒 正華 正聚 正義 明浩 光鋈

豐瑞里 懋遠 雲錦 利衍 岳鍾

歙縣江村

休寧梅田 承祔 茂樾 其倬 斌 瑞鰲

休寧梅田遷婺南臨河 仍虛 益文 象五

休邑澗田 連玉 德岩 有璠

休邑澗田遷太平石雲

石雲又轉遷澗田

休邑豸州

黟縣江村



繫縣龐村

繫縣林村

繫縣麻田

繫縣里田

祁門新溪

旌德從政公支

從厚公支

太平文埜

涇縣大白花

龍遊湖鎮

彦燦

邦標

起植林起繩

有監

之綿

廷選

萬選

日炯

愷

材

益珍

益珩



湖鎮岡門 日明 日誠

柴埠永安 錫誥 溶 源洙

外地 賜貴 賜順 賜淑

石碛橋頭 松 光裕 君美

蘭谿兌門四房 光棟 兆駒

兌門遷公 錫謬 賜滿 佳棋 士炤

溪灘江 士遂 士誠 士憲 文通 文喜

龍塘上江 天成 開諫 希賢 惟斌 學雋 承宗 聯魁

遂邑水西源擇樹壟

遂邑上方樓底 左宜 爾恭



遂邑上方百畝車頭 一浩 志首

遂邑下宅上方車頭

下宅百畝坂車頭

下宅濟坂大川 明瓚 朝漢

芳山上江 義三 乾一 青上

遂邑大塘 趙泉 念宗 羽廷 鏡成

遂邑茂坪

遂邑江村 鳴遠

浮邑水龍口江村 文若 振先

南昌府進賢縣江家坊 圖泮




六十一世起各派遵依五言四句詩定取行第雖遠族相逢一詢則知伯兄之稱能敦親上之義

巨孝家聲顯

文思彩夢祥

同心培祖德

大啟爾榮昌



重修譜序

丙戌之秋余媼友江子維山具書幣延余至譜局余以弗暇辭屢次敦請弗能却也乃應命焉余繙閱江氏族譜其先世本自顓頊至伯益季子玄仲佐禹度土有功封於江子孫遂以爲姓玄仲之裔有濟公者佐周而益之封地國號如故春秋所紀江人黃人盟於貫是也後地併於楚避居濟陽相傳爲濟陽江云漢時江姓始顯 革公以巨孝聞於天下厥胤彌昌西晉有統公道公以忠策著劉宋時


湛公以忠肅稱淹公擅文章於梁總公爲僕射於陳歷魏
晉宋齊梁陳隋唐支派蕃衍簪組蟬聯濟陽之族偉矣哉
唐末有尙質公字彥綱遷歙之篁墩其子洪復遷於婺源
謝坑洪生子德尙義好施佃儻有大志德生子曰潛曰澧
曰海曰源潛澧二公武藝軼羣驍勇有謀宋時官至兵部
尙書贈銀青金紫光祿大夫其後潛公遷婺之曉川又遷
光州固始海公遷越州江陰源公遷歙州溪南而澧公仍
居謝坑故里澧公之裔有遷婺之羅雲長源水路澄源虎

闡港川者又有遷浮之江村水龍口通泗橋李施渡與鄱
之芝城珠湖傍舍規田山田兆田者餘或遷楚遷浙遷江
之左右枝蕃派衍不克勝紀則澧公之胤正勃興而未有
艾也今謝坑祖派有維山堯望公衡羅雲派有建三全五
靈昭長源派有登雲之敷子者咸抱仁孝之思篤一本之
誼不辭勞瘁跋涉間關聯百餘派宗譜而統修之建局於
謝坑江村之祖祠吁其可敬也夫其可羨也夫譜事告竣
爰綴數語於簡端

昔

乾隆三十一年歲在丙戌十月之望莘原荇溪汪文藻書

於濟陽譜局



續修譜序

周禮以九兩繫邦國其五曰宗以族得民厚本之道也然有本必有枝續譜者非其本而冒其枝與固其本而遺其枝其失則均如不知而冒之遺之誤也知之而故冒之故遺之悖也悖之害更甚于誤故君子病之不使冒不使遺譜于是乎得矣江氏自玄仲公得姓以來至漢革公而後分遷雲初何啻億萬徽爲最衍占土地長子孫者何限也朱子云三世不修譜者不孝自甲子迄今八十餘載如再不修則昭穆不序等級無分使支親數服之外視如秦越身知一本之義見同根之盛哉是以江子慨然有志於此謝坑江村派維山同姪公衡堯望羅雲派建三同弟全五及子靈昭長源派登雲諸君子或總理或秉筆或咨訪遷徙撮合諸族奮然興起開

局於謝坑江村祖祠而倡修之考諸明季嘉靖庚子

國朝康熙甲子二譜于缺者補之訛者正之防其冒也于支派之有疑者悉
謹而遠之惧其遺也于支派之有據者詳察而收之凡舊譜所無而今有
之者則以據其祖派之所報及遺文之可徵務秉真切之仁持不苟之念
使真出于濟陽者無所冒亦無所遺焉則氣脉流通而仁孝之思愈遠葛
藟之庇益長尤慮此外有地勢所未及願俟後之作者考實而兼收之則
敬宗睦族之意及於無窮矣是譜也始自癸未冬告成丙戌冬予黍葭葦
又兼賓王命序于予爰書此以誌維山建三諸君子之用心云

昔

乾隆丙戌一陽月中浣之吉

廻峯畏堂汪文俊彙撰

婺北羅雲譜序

乾隆丙戌年冬月

裔孫起俊謹撰

羅雲居婺之北昔爲桂花園陀川里今日臨城里羅雲是也溯其淵源始自尙質公唐末避巢亂居歙之篁墩子洪公遷婺之謝坑傳子德公侗儻有大志恢宏先猷生澧公字季祥驍勇善謀功著廊廟至七世孫仲忠公見羅雲有水遶山環之勝雙旗拂霧兩阜蟠虬于宋欽宗紹興丁卯始遷居之其先居有羅姓者泯沒無存而澧公之後繼遷此因號曰羅雲與清華相距數里澧公墓在清華東園胡祠住後子孫便於省墓故樂居焉竊念澧公以武舉登擢任宋兵部銀青金紫光祿大夫仲忠公生于宋徽宗宣和壬寅以紹興甲戌進士先任已城江陰二縣令後任河南郡守文韜武畧列仕於朝有足紀者今羅雲爲仲忠公始遷之地而由此

而遷有橫坑口有水路有白塢以及洪村曠山西園坦等處發越之盛林
林總七非 仲忠公之蕃衍乎爲子孫者既支分派別渙散異方將必隨
地鍾靈應時傑出但人祇知吾父吾祖而不知吾父之父吾祖之祖推而
上之雖千百世之遙可考而知也粵稽東漢 革公爲一世始祖則 漢
公乃三十一世之祖而仲忠公又三十七世之祖也譜牒不修世系何由
以定茲值統譜續修之會後愧不才謬肩董理溯本尋源願後之仁人孝
子體先人一脉之誼無忘同宗之雅不獨知其父與祖之尊親當知父之
先有父祖之先有祖孝思之感通有追及於無窮者將見敬宗收族之誼
既明而木本水源之思益篤禴祀烝嘗春秋弗懈親親長長倫序雍和斯
無負於修譜之意也夫譜事告竣爰搦管而爲之序

婺南長源譜序

譜者何所以普天下使之溯源尋流而歸于一本也故派別族異者不得
肩收以紊其宗今我族系自虞廷賜氏至伯益公輔佐有奇勲受封于江
子孫遂以爲姓東漢 革公漢元和以巨孝聞天下封齊相凡譜濟陽江
者皆以 革公爲一世祖蓋世近而血脉攸關有親仁義舉之篤雖星羅
棊布遷徙不一而自漢唐宋元明清代有統譜彰乚可核我 祖尙質公
以春秋明經及第避巢寇遷歛之黃墩 洪公德公遷婺北謝坑東門坵
皆積德累仁慷慨好施得異人指示牛眠地曰子孫必有顯達暨子 潛
澧二公官至兵部尙書人文丕振故居婺者群以謝坑爲祖居云我振高
之祖係 永恭永義二公適遊婺南長源見山明水秀風俗淳厚以祖居

僅隔百里便于省墓祭掃又諸宗散居于婺者匪遙咸得時聯宗誼因是
恭 義二公遂以長源家焉今子姓頗蕃而覽前人譜牒不無錯亂踈畧
我 祖元祥公于心耿耿嘗以此爲囑歲癸未遠初良起俊諸宗人以修
譜邀予予欣然曰是予素心也敢憚煩爲乃閱四載而告竣本派支系遺
者補亂者正一時願遂爰述其畧以著篇端云

皆

乾隆三十一年歲次丙戌冬月

吉旦

裔孫振高謹撰

金鰲從政公譜序

族之有譜所以定世系叙昭穆篤彝倫厚風俗而興起仁孝於世世勿替也先王上治旁治下治之道於是乎在蓋自宗法壞而譜作譜修而疏戚遠近開卷瞭然俾子孫知千萬人之身其初卽一人之身而惟恐以不孝不義得罪於宗祖譜廢則雖縉紳士大夫之家數傳而後有不辨其所從生者而况族大枝蕃出此入彼服盡而情疏形睽而勢隔其不至以同宗共本而相視如塗人者幾希然則管攝人心莫如譜諒哉程子之言乎是故有統譜以會其元有支譜以昭其派然後萬殊一本一本萬殊之分而合合而分者若網在綱有條而不紊而古者大宗小宗之義隱然相與繫屬於其間此亦存乎後裔之象賢爾已江氏譜牒之修自來宗風不墜漢

有江氏實錄晉有江氏統序隋有江氏世圖唐有建康宗派碑宋有江氏
世譜元有濟陽源流暨前明以來從而續之者亦屢矣然三世不修譜或
比之不孝於是旌川江子槐三踵武等懼其世遠族繁而莫紀也迺協德
章我先躰漢司宇諸子取康熙甲子譜而重整理焉當是時予方氏家譜
亦在纂修竊以宦羈歎不克與而江子所爲若是與吾族有不謀而合者
其仁人孝子之思動以天而不能已者乎槐三予同研席友而司宇又親
翁也既齊其譜修函請予序予曰江氏鉅族也金鰲江氏又宛陵之旌陽
鉅族也顓頊之裔立仲之封暨以濟公傳之革公歷漢晉五代迄唐宋而
後其間孝子忠臣名儒碩士光昭史冊而垂裕後昆者炳々麟々未易悉
數也其族派之盛自江國而濟陽自濟陽而臨淄自臨淄而考城自考城

而宛陵山之東河之南江之左右浙閩燕楚所居成聚源之遠者其流長
根之大者其枝茂蓋其祖宗功德之報理有固然者在諸譜序既詳言之
而旌之金鰲則自韶公始韶公醴陵侯淹公之五世孫也傳七世至瑩七
生子三其三子曰若虛是生從政遂以繼禰而別爲小宗嗣後人才蔚起
子孫蕃庶或鎮金鰲或遷嶺南或徙太平之西坦復由西坦而文埜由文
埜而歙北瑞里雖其春秋歲事不忘金鰲祖居然而各望其地各宗其譜
蓋卽從政之分派而懼奕世有不相知者况濟陽之族中於四海又惡知
四海之內本皆兄弟自祖宗視之無別親疏也而生其愛敬之心者乎嗚
呼此譜之不可不重修也修其譜觀其圖則自吾身推之及祖以及於無
窮者一脈也而有不敬者非人矣自吾身推之兄弟以及於無窮者一氣

也而有不變者非人矣愛敬盡而仁孝昭風俗淳而人倫厚上治祖禰旁
治昆弟下治子孫人人親親人人長長故觀於鄉而知王道之易易也然
則江子之所以尊祖敬宗而睦族者於是譜有厚望焉願持以歸告其族
人之同源而共本者

昔


龍飛乾隆歲次丙戌

月

之吉

賜進士出身巡撫貴州兼督湖北川東等處提督軍務節制兵馬兵部侍
郎都察院右副都御史加二級年家眷姻同學弟方世儁頓首拜撰

而漢江山之東所之南宮之式古海國... 漢陽江氏宗譜... 卷之二



廣東譜序

周官氏族書史氏掌之史失其官而族於是乎有譜歐陽五世圖以親也蘇氏族譜勸善懲惡也故譜一修而水源木本辨焉

祖功

宗德昭焉孝悌仁讓之俗興焉譜顧不重哉我江氏發源濟陽衍派寧國又再衍而及我嶺南其傳世遠矣族屬蕃矣而又分居異地譜不修將有至親相視如塗人者又其甚者則有不親其親而親人之親者如郭崇韜泣葬汾陽墓下識者笑之此皆其譜牒不明以貽斯辱也去年冬承

諸父老命重修家譜然大宗全譜久矣遭亂散亡今我所修者止我嶺南

小宗一派而已其自濟陽而下者四十有五世

本祖雖不忘所自出而其中子姓兄弟派別支連者已不可得而復識幸

稿未成而我

詡齋家邑侯先生

喬梓昆玉三人適以大宗譜至而家譜乃得而全修顧故國豪宗我嶺南


既可按譜而稽矣而嶺南族屬

故園父老猶未行而知也非將我小譜敬達江南後日相遇他鄉不仍有

如塗人之相視者乎且郎或歸省故鄉昭穆亦何所自攷也乃不避

酷暑蒸炎晝夜纂輯圖祖歐陽誌則宗蘇氏而變通之各位必書功

德必書年壽卒塋必書凡週六甲而小宗之譜乃成滿擬修成全帙



統寄歸鄉緣以族大帙繁旦夕未易卒業且

邑侯奉

旨引見白馬亦難久繫矣乃於大宗詳載本祖而各房弗及其大宗之

四十六世祖永慶公卽我嶺南小宗之一世祖也自此而下紀載必
詳非私所親也亦以駒隙無多且便於

邑侯攜帶也云爾留家各譜且將詳載脩入未敢闕畧焉至於譜成而以
辨源本以昭功德以興仁興讓自此舊譜之爲之予小子敢自任乎

皆

乾隆五年歲在庚申蒲月吉日

纂修裔孫之雲上龍全薰沐敬題

蘇州府志卷之二十一

蘇州府志卷之二十一

蘇州府志卷之二十一



蘇州府志卷之二十一
蘇州府志卷之二十一
蘇州府志卷之二十一
蘇州府志卷之二十一
蘇州府志卷之二十一

蘇州府志卷之二十一
蘇州府志卷之二十一
蘇州府志卷之二十一
蘇州府志卷之二十一
蘇州府志卷之二十一

蘇州府志卷之二十一

重修江氏族譜序

族譜之設義親親也其來已久有遡其錫姓而譜之者所以明有宗也江本望族出自濟陽由濟陽以迄宣城郡淹公有譜由淹公以迄金鰲韶公有譜凡修亦既輯而藏之矣而猶以爲未也其鄉人曰吾族自金鰲居者凡三十餘世他不具論卽從政公而降已纍七若干有聚而居者有散而處者有遷于仙源者有遷於新寧者源遠流分及此不修後且以同宗而秦越視之也予聞言而嘉之親七之爲義也大矣自虞書有睦九族之說而周禮小宗伯掌三族之別以辨親疎嗣是以降錫姓愈繁世譜愈嚴且重上以固宗祏下以綿雲初不爲貴附不以賤疎遠既不携邇亦不陵一本之義然也然余聞古之爲族也取遠尤取近周禮之稱三族父子孫

之謂尚書之言九族高祖及元孫之謂白虎通曰族者湊也聚也謂恩愛相流湊也生相親死相哀痛有會聚之道焉執此而取近之說可見今江之族人既以自濟陽而來者遠有修又以自從政公而來者于派已分于支猶近益不可不修是篤遠兼篤近之義也其發人孝弟之心也豈鮮哉夫人莫如禮讓之興風俗之本也而要起于鄉黨鄉黨之行必于睦族睦族之原在于修譜今有人焉無故而遇諸塗問其姓固同也則欽之矣進之而叩其自出又同祖也則加欽矣又進之而詢其自出凡幾世矣則又叔伯昆弟之間也則遂叔伯昆弟依之矣夫人孰無親不幸而莫知其自來莫詳其世系漸而至於日踈其勢然也茲之修也水源木本條垂葉布江氏之興也蓋未艾矣吾爲之歌椒聊之詩

昔下野矣而豈本於... 益本而... 首... 跡... 故... 脈... 出... 諸... 執... 成... 德... 不... 出... 源... 云

大清康熙二十八年季秋月之吉

恩拔進士玉屏年家眷弟

譚文昭頓首拜撰

公以... 東... 特... 齊... 時... 勅... 公... 以... 浮... 筆... 發... 無... 正... 升... 養... 性... 類... 刻... 刻... 史... 繼... 欲... 是... 善...


支... 中... 公... 健... 固... 然... 正... 而... 且... 凡... 與... 德... 其... 且... 然... 然... 則... 升... 官... 聞... 人... 獲... 喪... 何... 好... 其... 華...

年... 披... 之... 賦... 而... 其... 其... 知... 此... 事... 黃... 帝... 氏... 甘... 蘇... 卽... 益... 公... 欲... 轉... 壽... 真... 官... 其... 三... 子... 曰...

精... 支... 誰... 也... 以... 釋... 一... 德... 之... 被... 而... 各... 自... 然... 福... 也... 餘... 諸... 善... 所... 百... 其... 一... 案... 以... 奉...


夫... 人... 之... 樂... 效... 而... 與... 也... 必... 有... 以... 謂... 其... 效... 乃... 非... 一... 效... 則... 我... 一... 善... 長... 官... 乎... 哉...

...



附錄大修宗譜引

夫人之聚族而處也必有所以譜其族江氏非一族則非一譜曷言乎統
 譜支譜所以聯一族之好而各自為譜也統譜者視百族如一家所以萃
 子姓之渙而大集其成也粵黃帝五世孫伯益公為神堯虞官其三子曰
 亥仲公封國於江而江氏興焉江氏盛於濟陽代有聞人班班可攷惟革
 公以孝顯東漢封齊相淹公以彩筆發祥五代齊封醴陵侯史編為最著
 迨淹公守宣城而江氏遂延蔓於江以南矣若旌之金鰲則吾祖韶公始
 也仙源之西坦吾祖橫公始也由西坦而文野而歙北瑞里吾祖顯宗公
 始也其自文野而星羅棊置如楊村諸路大約徙不出鄉云夫江氏迄今
 歷百十傳矣而追本於伯益公何也首紀得姓之祖也譜族始於革公而



前此不及何也世遠則從畧也由韶公七世至瑩公再傳支分派別獨詳
從政公而他不及何也尊吾所自出也支譜不及而統譜徧及何也化異
而同仁人孝子之心也其意曰吾祖革公猶將一視之也嗚呼以孝革公
之心而愛凡爲革公之後以愛革公之後而作濟陽江氏之譜繫獨何心
而况金鰲之派衍文野楊村生同居者乎今之薄于所生者親盡則相視
如塗人甚且不數世而分門割戶矣骨肉而寇仇矣獨不念我之所視爲
塗人其初則兄弟也所與爲牴牾其初則一人之身也觀斯譜者夫亦可
以少媿矣蓋譜以序昭穆則春露秋霜可以教孝以次伯仲則豆觴衽席
可以教讓系之以五世則自衰以至總麻皆屬有情編之以某族則喜有
慶憂有弔勢隔而情亦親彙之以統譜則千枝一本萬派同源而散者可

聚分者可合觀斯譜者返樸還淳之意可以油然而興矣吾願韶公而後
同鄉共井相親相遜無胥戕無胥虐從政公而後其自金鰲而播遷者奉
先思孝冠蓋相望以來會時事世世子孫無相失也吾更願文野楊村之
聚族而處者孝弟力田明經修行無以小加大無以淫破義無忘祖訓以
干憲典而自伐其天和庶幾後先輝映久而愈光無負斯譜之志也夫

皆

康熙庚午春三月上浣之吉裔孫冲敬撰

重修江氏宗譜序

吾江氏之見於史傳者斷自漢諫議公始卽世所稱江巨孝也家臨淄宋山陰令秉與顏顛之齊名遷新安太守事詳宋書良吏傳秉孫謚七子介爲吳令他如祐弟祀如湛謚忠簡孫敷又同時有兩泌一爲兗州治中一以孝稱世目爲孝泌以別之齊書皆爲立傳並家考城其見於梁書者有子一子四子五兄弟獨紉事父光祿公蒨至孝史臣列之孝行傳中其先世醴陵侯淹以文章顯九世所艷稱要皆考城人其始家臨淄而旣遷考城歟邾同所自出而析居若裴氏之東眷西眷歟大抵不離乎濟陽者近是若其散處宣歙間者斷自醴陵季子荃始荃公之裔韶公卜居金鰲卽旌邑江村也由金鰲而遷太邑曰西坦又曰文野其遷歙者曰瑞里其大

較也族故有譜會修於康熙甲子者婺邑謝坑宗長之淇於庚午者金鰲宗長冲今相距各八十餘載謝坑江村初良廷儻廷佺羅雲起俊起倫廷麟長源振高又起而重修之莫爲之後雖盛不傳可不謂加人數等哉吾族之共襄厥事者則有懋桂月丹懋濠去非懋昭曉村利衍珍可志然漢銘志毓岳鍾有微勞焉錦不才橐筆廁其後深懼隕越何敢妄有所撰述以重厥整然仰惟世德景彼前徽竊有願爲局中諸君子陳者有願爲族中諸子姓勗者譜系之法莫善于歐蘓曷言善闕疑以昭信也夫山陰公既爲新安太守已當時譜顧不援之而必以荃爲始遷之祖則以醴陵晚守宣城公又贅于蕭內史其踪跡雖越數千百年一一可以覆按前賢之不苟如此今族日繁人日益散錦與諸君子甄綜條系敬以一言爲息壤

焉曰慎而已矣至于保世亢宗其道安在吾家自謙議公以孝名至今演
爲稗官列之圖畫婦人孺子皆能道之乃繼世以孝稱者五代之間史不
絕書一似孝是吾家事者自時厥後人思法祖盡孝以敦百行之原加以
讀書稽古錦遺張載筆贈景純上繼醴陵之軌衰遲若錦曰文曰行猶願
與族人共勉焉是爲序

乾隆丙戌年冬仲六十世裔孫瑞里雲錦敬序

游劉內八平六十八十...

與其人其...

前建...

發...

為...

為...



婺西澄源續修譜序

萬物本乎天人本乎祖由祖而及于身雖枝分派別總屬一源由身而上于祖則宿海岷源難忘所自此古人譜書之所由作也吾族自洪公由歙篁墩遷婺北謝源賂同公遷婺西杉坑墩上仲舉公遷澄源至子高子壽而公又分爲澄源內外兩門載在前譜班七可考前明嘉靖庚子虎溪晴塘澤公與吾族畝溪遂公合訂全譜越五載而始成至本朝前甲子歲鄱邑兆田又續修譜系余山居多暇因檢兆田譜按之見其生配歿葬多不備載不禁有踈畧之恨他派姑不具論卽以我族言之不但生配歿葬已載前譜者俱已遺錄其承接世系且有訛紊刪抹者矣如孝同有弟晚同而兆田譜不載尙脩爲元瀚三子而兆田譜悞續元泮畧舉兩端已見


訛謬余不禁憮然興嘆曰是誠訂修之爲急也今甲申春月謝源宗老以
修譜之役見示余又不禁狂喜曰所謂訂訛復舊續以支系昭示來茲者
其在斯乎因檢庚子譜而脩錄之協謀耆俊續以新支其間生配歿葬可
詳者詳之間有無從查核者則姑闕之非敢過有詳畧亦不敢妄參臆見
耳夫余今日矢慎矢公敬續成編喜得伸余夙志者要吾族中黃孺人之
力也憶吾族所藏庚子老譜自甲寅不韙幾至灰燼賴外門文都公之配
黃孺人携遁山中始得至今尙存萬一遺棄後之人其孰從而考之今者
余西山日暮不克奮繼鴻猷恢宏先緒竊願我族後起凜藏家乘以昭茲
來許由是尊祖而敬宗敬宗而收族共體尊親咸敦一本如蘓氏所云孝
弟之心油然而生是則余屬望之深衷也夫

肯

乾隆甲申歲夏月

穀旦

銀青光祿公下澄源內門五十八世孫起鎮頓首拜序



神聖甲申歲夏月

建青光緒公干登殿內門正十八世終時論前首

錄且



浮南水龍口江村派譜序

我浮邑之南有水龍口江村派者革公之一脉也自革公至祿公凡三十六世祿公之子信公始自婆西虎闡卜居是地信公生貞一貞一生儉四而儉四發族焉是信公爲始遷祖也歷朝以來屢修其譜雖條七井七亦不無缺漏我

皇上御極之元年復爲訂定凡前之生歿葬娶俱已續錄舊歲有謝坑羅雲諸宗長通知各派會修統宗譜牒奈以歲歉未應茲秋始議開局爲首者振先諸君合族踴躍從事因余館於茲諸君請余主修余謝不敏固辭然自丙辰迄今僅三十年耳其生丁墳墓填註抄錄似非難事况丙辰之修余已爲之誌焉已爲之序焉且請有婺邑春臺潘先生共襄其事始敢允

漢陽江氏家譜
卷之二

諾以成盛舉余觀各姓之於譜有隔數百年而后修者有隔百餘年而後
修者若水龍口江村諸君其於譜書可謂慎重其事矣夫亦以水出於源
木由於本俾昭々穆々秩然不紊推而上焉豈惟不忘乎信公抑亦不忘
乎信公以上之宗派也是爲序

乾隆三十年歲在旃蒙作噩孟冬月吉日

梅溪陳炳贊元氏拜撰

江氏修譜序

余館於南已三載矣時江子世貴從余而學又兼新孺媼亞以致往來不
間得侍其老成達士之側聚首贈答竊聞其始末源流之故適合族修譜

因謁予而爲叙予瞿然曰余何序也功業而功業代有則舉不勝舉序德行而德行歷著則述難遍述乃舉然而思其修譜之大義與修譜之微意以爲序焉蓋聞國之有史家之有譜其名殊其體同其事異其旨一也然列國有史而獨重春秋者亦以魯史之義嘗裁定于大聖人固極其至嚴而不容假借者也故後之序譜系者胥遵之以爲法城之南數十里有巨族名水龍口江村者固伯益之後也而其支祖則自玄仲公爲始沿至宋朝百有七世矣而信公乃遷居于是地至百十八世則紳二公出而恢弘事業佑啟後昆創建祖祠置立祀典序源流正譜系繼數十世之統緒開千萬世之基業者固非紳二公不爲功及至今統而計之又百有三十世矣邇來人文蔚起學繼夫采吐夢中夔倫克敦行纘夫德著膝下賢才衆

漢陽江上宗譜 卷之一
多子孫蕃盛由是述祖志嚴宗派脩譜書以序其世系此盛典也一舉而
世系定尊卑明長幼別名分正且也某與某同某世某與某出自某則經
緯全而支分派遠纍々相承自今日以至萬世必不至于蒙混而後大義
克彰志念咸伸豈非竊春秋之法至明且嚴而不容假借也哉請質之諸
君子幸無以余言爲鄙而棄而逸之也 皆

雍正十三年歲次乙卯仲夏月望後五日

梅溪陳炳敬書

贈江氏譜序

今夫譜書之作其在蕃衍之始誠亟而在遷析之後尤不容緩也吾浮之
南有水龍口江村者其族巨其風古其父兄皆以禮讓爲教其子弟胥以

孝敬相尙余向也熟悉之而未涉其地值癸丑春吾友陳梅溪館於其地
越二年適有修譜之舉吾友與其徒全至于署向予請序因命其徒手家
譜而詰曰吾江氏之先出自伯益伯益之少子名玄仲封于江因國以爲
氏後有革公萃名其著至于尙質公洪公祿公各遞卜其居若信公則屬
我支祖而遷于是焉沿及我紳二公植本樹基建祖祠以垂于後迄于今
流既長矣源不亦遠乎誠恐時移地易祖宗之昭穆或混子孫之世系則
淆因筆爲家譜俾前後有所考証幸先生爲我紀其實余顧而謂之曰獨
不見夫黃河之水千里九曲過龍門穿積石放乎四海其始固同出于一
原也故凡族姓之始本一父之子耳傳之久而親者踈矣傳之又久而踈
者遠矣傳之久異地分疆系序間隔未有不相視爲秦越人也今諸君惻

然念祖考之所自出思支派之所由分用心可謂厚矣異日者各祖其祖
承先烈而式廓之雖至千百世而按譜以稽不森然雁序也哉然修是譜
也油然見孝敬之心生焉藹然見禮讓之風接焉重本篤親無忘所自斯
其志也是爲序

皆

雍正十三年孟秋月上澣吉日

賜進士第前授真定府阜平縣知縣

特調深州饒陽縣知縣年家眷弟汪堦撰

婺北四大老江系序

繪光矣

必效

國

神

思

造

因

吾休與婺連壤多世義嫻親憶雍正乙卯在郡與婺北十六都江君羽和庭芳曾唯起兆諸竹林同寓言其族自江村羅雲有勝五勝四勝八勝七四公分住旋溪椿源田前均背等處里人稱爲四大老江前譜因主修未得其人多紕繆闕失今須急修而難其人殊致慨焉余自別後叨第黃岡籍庚午冬歸里祭掃同昌江宗叔東曙過休西宗里磻溪謁其西席郎江庭君也詢及當年郡會諸君不勝存亡感嘆且言其譜尙未有主修者伊與宗叔庭書慮其久而漸失也預集支系以待出以示余足見江氏諸君仁孝之誠潛心于家乘已久竊爲躉焉此後宦海茫茫天涯杳杳今忽接東曙叔郵緘言江君之譜已統屬余序之余思諸君支系以成於昔日統

修忽見於今時仁孝之懷已遂其樂可知吾當持觴以賀無如遠莫能致
若夫江系出於玄仲以國爲氏革公封濟陽而爲郡止水備邳忠孝昭垂
于家國夢花映月文章顯耀于乾坤洪公德公橋梓也積德累仁靈毓仙
藤爲吉兆澣公潛公兄弟也文經武緯功開大宋著元勳科甲聯登輝後
先而不替江源有本漫湖海以無窮猗與盛哉吾亦焉能覩縷惟當年閱
其支系人文蕃盛也齒德高崇也觀其景詩乾坤聚秀也山水鍾竒也何
自分遷來科名未顯仕籍鮮登蓋如古南村風淳而俗美以高尚林泉爲
樂奚有于仕哉雖然出處隨時窮達皆善北山曾移商山亦出諸君無固
也斯譜告成宜諭諸弟子乘時利用以昭盛世之文明移孝作忠以繼華
元之事業吾儕世義亦有餘光奚必效陶潛懶折腰哉因序而并及之

乾隆三十年歲次乙酉端月

穀旦

賜進士第年家眷教弟枚寧張念祖頓首拜撰

附四派里居記

旋溪卽水路去邑八十里山若屏開水如帶抱有十三墩原名水路墩世有高賢義士懿德芳徽子弟能恪守先訓不尙紛華惟務本業故士農工商各事其事物產恒豐有雍熙之象自友維公羅雲遷此子海公孫肇一公肇三公一公二子長勝五公仍居故里幼勝八公遷椿源三公二子長勝四公遷均背幼勝七公遷田前而嶺下西園坦又自勝五公遷數村聯絡歲同祭掃稱爲四大老江云 椿源卽白塢隔旋溪里許源頭有大白石水流十餘里至白石山又十餘里至村故又名白石源山鬱葱水湍碧

世毓文章道義賢良方正之人而婦德節孝或載邑乘或書家譜者彰
然以山多田少爲耕不足多商于吳楚之遠有數年不返者歸家如客村
有八景之勝曰東閣書聲西疇稼色南鎖石門北流玉液十里篁風雙堤
梧月玉坦觀瀾霞山攬勝諸高人題咏并詩引俱載椿源里記 均背郎
旋溪朝山之負原勝四公自副使歸隱之所堂名秀水遂居之今子孫分
住遠近不一故坵皆爲彼黍田前 椿源三里甲乙閩變移住椿源嶺下
今惟祖墓在田前耳

發北橫路派譜序

蓋聞譜也者補也尊所自出者清其源補所應載者澄其流源流不雜而世系昭然斯誠一脉之相貫也粵遡我祖淵源伯益厥嗣居於濟水之北受封出仕姓來天朝濟陽江氏由茲以著迨至革公東漢光武時人也卜遷東齊臨淄性生孝友官拜尚書末膺天寵爲相旌表巨孝世系之序次遂自革公始焉革生蕪七生寄銅寄銅生德七生找七係德公第四子生驥德驥德生統七於西晉武帝時官至太子洗馬由臨淄遷浙江山陰生儼七由山陰遷昇縣仕晉官至兗州節度使生固里固里由山陰遷考城生叔和叔和由山陰遷金陵生鵬舉鵬舉於東晉時初任長沙守次任江州節度使三任南陽護軍兵馬使生尚祿尚祿生淹七字文通於南宋順

帝時遷金紫光祿大夫詩名播譽生舊七係淹公第二子徙居河南龍門
生總七於梁明帝時以狀元及第初任通明殿侍郎次任鎮帝將軍三任
兵部侍郎及仕陳再拜兵部尚書僕射職居相位辭藻擅音生仁仁生彥
紹彥紹生佚七係彥紹公第四子擇處河南江家宅生義道義道生宗振
宗振生仲里仲里生存道存道生季實季實生尚質尚質於李唐昭宗時
以春秋明經及第初任歙州護軍兵馬次任鎮南將軍上遷歙縣篁墩生
洪七係質公長子由黃墩遷婺源謝坑生德瑛德瑛生湮湮於宋時遷銀
青光祿大夫卒陞兵部尚書生文卿文卿生潞同潞同係文卿公第二子
生儼七生道七生壽壽生四子文行忠信仲文居謝坑祖里仲忠遷沱川
桂花園仲信遷清華大塢本派仲行公乃壽公之次子而革公之三十七

世孫也由謝坑遷橫路生應瑞應瑞生保保生安然安然生伯立伯立係
安然公第二子寄居杭州生友文友文生振七於明洪武時任饒州太守
生天五天五不忘故土復居橫路生隆豐隆豐生魁一魁一生彥成彥和
成和失火延燒牛糧彥成因心則友招充陝西衛軍和生凱佑文佑遂判
爲兩房焉思自革公以來與銳支分派而衍者或以文章負名或以德行
見稱或以功勳顯世難更僕數也第各祖其祖者當各述其實奚俟余贅
然竊有感矣夫譜有二有支譜有統譜支譜自仁率親統譜自義率祖故
有百世不遷之宗有五世則遷之宗百世不遷是之謂大宗五世則遷是
之謂小宗知小宗者固知派譜之仁知大宗者尤識統宗之義是仁與義
似異其趨而源清則流清要自無殊予宗謝坑自甲子督理譜牒而後已

有八十餘載各派世系從此新編庶其流之又無淆也銳族志生 志武

志來 志標 全家君雨沛 叔雨湖 雨初 雨壽 雨禮 雨桂

雨潢等有此志聞祖里有弁首議譜不勝欣然而襄厥事命銳等素為序

銳質椎魯勉所涉何敢妄序但本宗之譜畧曉一二爰即管窺以紀源流

庶備後之一覽云

皇清乾隆三十一年歲在癸卯閏茂陽月之吉癸北橫路派

仲行支下五十九世孫兆銳頓首拜序

(Faint bleed-through text from the reverse side of the page)

遊奕塢譜序

族譜七其族也自支分派別地異風殊而遂杳不知其始於何人兆於何所者多矣此合渙萃離族譜於是乎有作遊奕塢之有江也其初受姓之原肇遷之始先輩已詳哉言之無可贅附獨其本派則基於婺之謝坑土著閱世已久而本茂枝岐源深流異自是而城東有遷矣自是而高沙有遷矣自是而考水有遷矣三遷皆在婺境不忘舊也至五十二世有立護公者始卜宅於吾德邑之遊奕塢奕塢有江遂自此始迄今螽斯麟趾繩屺乎正未有艾焉獨見夫世之聚族而居者或別其戶或分其門偶以情義乖睽甚而讎敵相視者不乏其人况親盡無服居隔殊方喜不慶憂不弔而日離而日渙者勢所必致也幸其未離未渙也弗思有以聯之將世

愈遠年愈遙卽有仁人孝子者急欲起而聯之亦苦於考據之無由而廢
然返矣茲貴族會修家乘而賢能輩如 德豹 永貴 永祈 永換者
深懼夫勢之日離日渙也而慨然從風將見合渙恒于斯萃離恒于斯敦
宗睦族恒于斯合愛同敬恒于斯也斯舉誠盛矣哉昔乾邕通系北海李
浦山託根唐公千古以來稱爲不孝今江氏能本其本原其原蓋誠羞夫
援聲藉勢以混其宗而使雜派旁支得以亂其族也嗚呼讀其譜者孝弟
之心亦可以油然而生矣故樂序之

昔

乾隆二十有九年歲在甲申蒲月吉旦

唐川邑廩生眷教弟韓廷俊拜撰

休邑梅田遷婺南臨河派譜序

文獻名家宗有譜系以紀族之分合保姓鳩族扶義翼教使人相親而敦本不忘則譜之所係綦重焉故有志反本者亦惟于重譜之中寓所以尊祖敬宗之意以詳其所自出而叙其所由分也夫宋世言宗譜者二曰廬陵歐陽氏曰眉山蘇歐陽則世經人偉取法于史氏之年表蘇氏則系聯派屬如禮家所謂宗圖者綜之二氏之法可攷鏡也乃世俗譜牒之作必從其位望顯者強附以爲宗焉如過汾陽之墓而淚洒崇韜緣彭陽之貴而令載諸胡其真贗悠渺莫可究詰譜曷足重乎若夫濟陽江氏伯益之裔立仲之後代有顯宦載諸方冊傳二十六世濟公佐周有功爵封于江自唐主簿行公赴任休寧至四十一世祖原二公遷于南鄉二十六都梅

田之里四十二世裕公四十三世興祖公四十四世彝三公四十五世原
貞公四十六世志方公四十七世世昌公四十八世文成公四十九世天
涓公五十世晨公次子邁繼旻公五十一世鯨公五十二世日彩公自幼
遷居饒郡德邑環溪生三子長伯春次百雷次百紅又遷婺邑南鄉三十
五都臨河而居之現今五十七世子孫蕃衍稱望族焉各派從於四方者
僉議重修宗譜住臨河者考究舊牒復增新支序其世系以示予予忝親
友因秉筆而爲之序焉夫譜各有表表各有圖上自始祖下及子孫各以
類系不相紊亂葑菲固無遺薰蕕必核實歸于一脉而已由是尊之則人
知有祖而分自昭親之則人知有宗而恩愈篤故譜牒旣明可以收族可
以廣仁可以作孝可以勸忠教化行而廉恥重愛敬洽而德讓流孰謂譜

牒之修非仁人孝子之用心哉

昔

皇清乾隆三十一年太歲丙戌麥秋月中澣穀旦

禮部進士候選知縣文林郎兼鄉飲大賓江右饒州銀城汪量拜撰



蘇爾敏主封張岐線文林俱兼派贈大寶山古翰休苑其玉量我恩
皇帝諱劉三十一平火燕丙丸交輝民中儲錄且

知古皆
類之於非以人奉于文風心遊



江氏重修統會大九枝宗譜序

乾隆癸未冬季有謝坑羅雲宗叔祖初良起俊者自徽州來約吾伯與父會修濟陽江氏統譜各派協修譜牒已成然而枝派蕃盛只能書其世代之名不能書其詳細之實余嘗聞曾祖所言家乘傳流分派節畧之詳譜之爲書所以著姓氏定倫次序昭穆紀文章政事使後世不失其本敬宗睦族之義也家無譜牒使祖宗一體而分不數世相視如塗人是譜豈可無述乎今考漢唐宋明歷代先世所傳之譜吾江氏本顓頊之裔伯益佐堯爲虞有功賜姓嬴氏居帝丘益烈山澤佐夏禹治水有功禹常薦益於天益避位於箕山今地在河南登豐縣南三十里卽此地禹賜其第三子亥仲於江氏自亥仲公至六十五世祖革公遭新奔之亂負母逃難避居

臨淄以孝行聞於天下後之家乘以公爲始祖公之十世孫統公仕晉惠
帝時太子洗馬上徙戎論以警朝廷而不能用隋晉元帝渡江家於建業
之南門身衣巷復遷山陰長子法存公生建德合道與公遷於山陰之清
溪次日法成公生子一子四子五並以武將佐梁死侯景之難道與生世
源爲吳越護國將軍遷衢州至三十二世祖仁揆公仕吳越王任衢州押
衙其長子景諧公遷龍遊之湖鎮次日景房公任吳越侍御史憐民賦重
將籍沉河陰德裕後名振三衢景諧公之孫鑑公居湖鎮生九子名曰延
聚延澤延厚延蔭延政延應延珙延慶延駿號爲九枝散處州邑各卜其
地科第相繼代出顯宦庠生不絕吾本枝乃九枝第六祖名延應至四十
世時升時舉二公時舉公遷柴埠永安派時升而至寅公係四十三世遷

龍游之石碇永福公爲外地派始祖永貴公爲橋頭派始祖永堂公爲兌
門派始祖久公爲溪灘派始祖衆建宗祠會排行字尊景譜爲鼻祖已前
派系俱遵先賢譜牒分派源流後之派系則編次述凡生娶卒葬遷居皆
書譜牒使後裔可知某公生娶卒葬遷居曉其壽知其葬使之追遠之心
常存而支派之源不絕遺者缺之異姓而繼者斥之枝分派別尊卑井然
不紊是譜之切務也因承曾祖伯父之命是書將成增寫諸公容像墳圖
景詩匾式贊傳以便披覽倘有其無考據者亦不妄述以傳疑于後世深
慚鄙陋不能合宗法之遺意然續其後裔必以倫次爲正昭穆爲序與夫
祖宗之本源今昔顯達文章政事并七昭然使吾族之人觀之可知其本
出于一人必興起孝悌之心崇其睦族之義矣見先世之簪纓蟬聯則必

奮其好學之志紹其仕宦之風繩此勿替以引之則吾曾祖伯父之志於
是編紀亦必有補于世教者哉

肯


大清乾隆廿八年歲次癸未季冬月

裔孫澱水兌門五十八世天瑞天璋五十九世孫錫諤六十一

世曾孫士炤拜撰謹書於寶善堂

續修江氏龍游湖鎮兌門永堂公分支譜序

吾曾祖邦初恒究心於譜學慨念水有源木有本非源無以分派非本無
以生枝甚哉本源不可不究也吾族本支自永堂公遷居王村王村者即



今允門也至今雲仍相因長幼有序各分不紊者蓋緣五十三世嘉靖年
間纂修譜牒暨康熙甲子復會統譜源本分明枝派各別昭示來茲故也
獨是康熙至今亦歷有年倘逡巡怠玩而續修無人不幾使孫裔罔知祖
宗支派之從何而來併前代生娶卒葬以及後世遠近親疎有不茫然無
知者乎所以曾祖遵高祖國寶公之命命予祖見龍伯天瑞父天璋曰人
生世間所貴和宗族和宗族尤貴明遠近別親疎派裔有賢而有才者則
會脩宗譜不然則修支派譜再不能則修本支譜以俟後之崛起者有所
據而續焉吾族自康熙甲子會修以後紀載失傳汝小子盍留意焉竊念
修譜大典非賢才兼優者不能予小子奚敢望之卽如本支孫裔不無散
處寫遠難以稽考或彼亦自能編紀毋用留心也惟我派永堂公一支入

同堂出同戶諒能備錄因敬承祖父命諤郎與侄孫炤兢兢業業夙夜匪懈或訪耆老或得傳聞凡關生娶卒葬前數十年幸有祖若父換房稽查登記無遺後數十年悉係諤與炤繕寫成帙昭示來茲茲值乾隆癸未冬徽婆謝坑羅雲派宗叔祖諱初良起俊者來族會修統譜並將諸公容像墳圖景詩匾式贊傳無不纖悉備載繼自今而往維願繼起之有人庶幾遞相補緝永乚其傳豈不美哉

肯

大清乾隆廿八年歲次癸未季冬月

五十九世裔孫龍游縣學庠生錫諤同姪孫士炤拜手書

龍游石碇橋頭譜序

譜之作譜吾之所自出也吾所自出者遠祖何公近宗何族其爲世系也
宜詳其爲支派也宜晰粵考吾宗本伯益後周時封江國遂以爲氏春秋
時國侵於楚避居濟陽臨淄至東漢革公以巨孝名聞天下官太尉封齊
相爲江氏第一世祖此濟陽臨淄派之本源也嗣是子孫繁昌代有顯宦
因而晰支分派遷徙紛紜越一十三世恒公遷山陰至一十七世世源公
遷衢州而三十二世仁揆公又任衢州宣事家於衢而生景諧景房焉景
房支分常山開化等處八派之祖也景諧遷龍游湖鎮九支之祖也然有
大九支焉有小九支焉自景諧公牛文增文增公生鎰七公生九子曰延
聚曰延澤曰延厚曰延蔭曰延政曰延應曰延琪曰延慶曰延駿此所謂

大九支也延厚公又生九子曰深曰澄曰遠曰湜曰漸曰浹曰淑曰洙曰
瑗則所謂小九支也大小九支日益繁盛有遷於蘭溪者焉有遷於湯溪
者焉有遷於杭州紹興者焉而在湖鎮舊居者延應公之嗣曰寅公遷湖
鎮對河之石碇外地寅之後遷石碇橋頭者曰永貴公遷石碇宅園者曰
永青公遷石碇兌門者曰永堂公至久公則遷石碇之溪灘純公則遷柴
埠之永安方四五里間如星羅碁置壤地相接村居相望而皆出自景諧
公裔派爰因宅園祖地剏建宗祠合祀景諧公爲始祖也公之墓在二十
二都白馬山每歲春集支屬詣墳展拜其湖鎮祖居舊有舍利古寺延厚
公捐貲重修寺中浮圖七級公之第三子達公所建其塔磚印達字記焉
是皆我祖景諧公遷龍以來歷代有可紀者前譜闕而未載予故上追遠

祖下及近宗詳世系晰支派源本本朗若列眉其他貴顯事蹟不及備述者以溯所自出故也惟明於所自出庶使後嗣遞相補輯永紹其傳而益篤於孝敬之思敦睦之誼斯亦續修宗譜之一助矣于是乎書

皆

皇清乾隆三十年歲次乙酉仲春月上浣之吉

濟陽石峽橋頭五十八世裔孫松謹序

遂安大川譜序

且譜者所以辨親疎稽遠近猶水之有源千流萬派知所自出木之有本千枝萬葉識所從生者也予族自十五世渭公遷遂邑芳峯傳至三十七世萬拾公勢漸繁昌育子三伯曰柒仲曰十五有念三公者乃其季也由

是分爲上中下三宅越四十一世益散居各地上中兩宅居址接壤無贅
下宅仲七公派遷上方車頭仲九公偕子四八遷徙王村迨遷濟坂者四
八子十九公也復傳至五十二世文忠公輩遷大川獨文良公遷龍坑嶺
上自鼻祖遷遂綿延日熾迄居茲土後先相輝非猶河出崑崙江發岷嶓
源遠者流必長耶非猶徂來之松新甫之栢根深者枝必茂耶文忠連枝
日文義者玄孫明璜生平慎言語力耕作堂構日新田園日廓更且子姓
森七雖一身勤厚所致要皆祖宗之德也茲因修葺統譜獨躍然從事不
但爲近世之賢孫抑且爲始祖之肖胤矣是爲序

乾隆三十年冬月上澣之吉

族弟紹夢彥撰

遂安芳山江氏宗譜序

夫譜之設何爲者也所以昭一本而永孝思所以興仁讓而厚風俗正盛典也自俗之漸澆於是有少凌長強凌弱衆暴寡卽同宗共祖亦然此無異故大抵起于尊卑之不明尊卑之不明起于家譜之不叙則譜之修要亦亟圖奈何其忽之也江姓自玄仲受封以至革公其來已久而遂邑之江則自山陰衍公之子謂公道經芳山下爲勝地因家焉迨至萬拾公歷邵武大府家聲宏振分上中下三宅以後族巨人繁有遷於吾川龍亭汪村者有遷於叶林渡頭者有遷於山東朝城者先時族譜之修業已屢焉第今五十餘禩曠不及修則源流溷何以萃渙而合離凌暴之習豈曰盡無此伯益公爲之甚愍因邀集族衆會議遂毅然任其事殫精竭思彙成

一帙舊者因之新者增之訛者正之過紹者爲之此芟而彼註遠派者爲之渙散而復收具賢行者爲之稍揚而不泯則統系義例爛然明備已而讀是譜者今而後尊者付以尊卑者付以卑稱名稱字稱叔伯兄弟務從其質而不以文時遇宴好一以長幼別爲坐次母曰我富也彼貧者安與我抗而故藐之母曰我貴也彼賤者安與我衡而故抑之必其有無相濟出入相友德業相勸過失相規水火盜賊相顧疾病患難相恤婚媾死喪相助一宗之中和氣翔洽若干條萬派種七生發涓七不竭試念其其本同源自無忍伐而涸之源流清倫理正所以洗凌暴之悍習而歸之敦睦者端不外此昔程子曰族人每有吉凶嫁娶之類更須相與爲禮令骨肉之意常相通彼日踈者只爲不相見情不相接故族人遠來則當爲一會

以會族旨哉言乎愚以爲惟譜之修則骨肉之意自相通自無踈睽者善哉伯華公之是役也噫莫爲之前雖美弗彰莫爲之後雖盛弗傳予觀江姓自萬拾公以後若原旻公伯陽公崇公慈公超公謚公或躋崇階或膺一命仕宦代不乏人前已美而彰矣爲後之子若孫者倘能興濟美之思而刻意求志銳精探討則發藻儒林後先未必不相爲輝映吾知斯帙也奚翅敦睦之成抑亦先人之光

皆

萬曆甲辰季秋重九之吉

邑庠眷生鳳岡王尙詔謹撰

萬曆甲辰歲次...

...

...

...

...

...

...



大塘荷墅江氏族譜序

予居遂安號古歛有江氏者邑之望族所熟知予解組歸里一日江子起
山朝肅衣冠造廬再拜而具乞言曰吾江氏汝南羸姓顓頊帝元孫諱
伯益之後爵封於江後爲楚滅以國爲氏望出濟陽至東漢革公以孝廉
爲諫議大夫賜故望巨孝里受齊相至東晉散騎常侍統公南渡居山陰
四傳爲博士衍公子謂公由山陰遷遂安芳山此遂安江之所始也傳世
芳公遷居上江十八傳爲邵武府太守萬拾公分爲上中下三江長子柒
公居上江五傳爲牙公遷九都吳坑六傳良玉公乏嗣以銅峯姐壻余鼎
公三子汝滴公爲嗣竊思以外甥爲繼子古亦有之今仍依古譜所載欲
不忘本也子二長彥棣公次邑庠彥岳公兄弟同遷九都大塘荷墅是爲

今大塘之始遷祖也棣公生高公鰲公鸞公鳳公而岢公生鵬公鴻公鳴
公鴈公共八房合族而居至今八世今修輯譜系連江南江西浙江諸邑
而同邑則水西上方江村上江茂坪合大塘總輯彙集在江南婺源謝坑
設局吾大塘總歛明秦志達邑庠朝纂修邑庠起山協修奠起僕起偉起
備朝 等願得大君子弁言以垂不朽云予聞斯言雖未睹其全帙知以
江氏詩禮傳家合諸大邦同修輯其世系行列必效歐陽與蘇氏倫次其
分者爲族譜合者爲宗譜必井匕有條秩匕有類而大塘之在遂安九都
近三衢人力田兼山利尊敬親長士風質極文生勤誦讀明大義其孝子
節婦近修縣志有採錄者多老髦山水繞深潔冽題記序傳吟咏具在簡
牒後世觀其全者而知功積東土澤衍南方觀其分者而知三江茂於新

定入房紹於大塘且思以孝起家者革公孝爲百行源則孝與友與義必
並敦推之爲忠爲惠若夫近於遂安者御史本深公爲鄰邑開化人糾察
當人心疏諫得大體司諫民表公爲同郡睦州人抗疏論政無諱始終全
節不渝而其尤近且親在遂安者邵武公之守郡名望猶存大塘之後裔
必有奮然興起者予老髦猶喜獎時英如起山輩篤實諳鍊其共勉旃至
婺源近在山前山後由遂安而通新安江下至歙婺合流及過江而山陰
俱在衣帶水間其以予序言質之婺源秉筆諸君子並山陰名邦巨手其
不以予言爲河漢謂密邇見聞猶親切而可信也是爲序

肯

皇清乾隆三十一年歲次丙戌重九之吉


賜進士出身中憲大夫河南歸德府知府前天津糧漕河捕海防同知文

安縣知縣

大計卓異

行取在任候補主事己酉科福建同考試官

萬壽行宮賜宴賜錦年家眷侍生姜士崙頓首拜



歷代修譜序

漢永元八年譜

漢文公撰

混沌既判而人文著矣乾坤交泰而物彙生矣人物並生于天地之間而人獨得其中正靈秀之氣故靈萬物而爲人原其始而生也翼匕燭匕總總林匕而後物分其類謂之類之同猶有大小修短墨白相殊之目而族之衆固有東西羣聚彼此相謂之稱人聖以其人之族是其謂而姓分焉從其姓之人類會而某之又踈其謂而名繫焉此姓名之始也姓統其祖考之所自出雖百世而不變氏別其族類之所自分或居其所而不更合而爲族宗派有主分而爲氏婚姻辟宗故聚而別也自姓統氏分之制變

而枝派日已繁大宗小宗之法廢而族日已踈于是一姓不變數千百年
其子孫動且萬計賜者別者更者冒者創者分者復合雜于難明而後譜
牒之辨殷焉自周之小史定世系辨昭穆核漢隆興太史公修之世家然
後譜學浸興矣故江氏之先稽太史言曰江氏與秦徐俱嬴姓伯益之後
分封得姓者十一人江則其一也蓋緣伯益之後分封于江至殷有江旻
者以國歸周旻之孫曰濟武王封爲東京郡主見于春秋曰江人與黃人
盟于貫其後又爲楚所滅廢爲淮陽郡子孫遂以國爲氏繼後有江乙者
說安陵君曰以財交者財盡而交絕以色交者華落而交渝後二世曰世
良助周伐犬戎有功元王時封濟陽侯遂因爲郡爾二世曰元德遷于瑕

丘故號曰瑕丘江氏受春秋于申公而申公受于穀梁子德之後五世至
亥遷居濟陽亥二世曰京出師有功封烈侯京七世曰革時當薦亂能事
母以至孝鄉里稱之曰江巨孝名遂聞于天下元和甲申舉孝廉尙書朱
暉張林等上疏曰烈士出將軍之門忠臣生孝子之家奉

聖旨詔旌表其門封賜故望巨孝里嗚呼龜紐龍文示故如新鸞披錦誥
耿耿不磨世謂濟陽江氏者此如其卓冠者矣世家而以是焉寧無謂故
家巨族哉凡在宗人爲後裔者勉諸

唐景福二年譜序

衢州節度同討擊使裔孫 中許撰

嘗聞萬物本乎天人本乎祖猶水有源猶木有根也溯其源則流長培其根則枝茂若稽乎其祖猶系繇繹繁而弗替矣是故凡爲人子者譜牒之修不可不亟務也吾江之先自伯益之裔玄仲受封于江其爵子見于春秋曰江人後并于楚廢爲濟陽郡卽今陳畱考城圍城地至漢有諱革者字次翁獨以巨孝聞于典籍有子曰庶曰幾曰忠皆列仕于朝而有散騎常侍曰統顯于晉上剪戎之策有功當時上莫之聽銅駝荆棘五馬南渡而群賢遷播矣統與從子侍中道之後並徙東渡居山陰節度使回之後渡江居昇州統六子其顯者郡功曹儼國子祭酒霏七三世生宋太子洗

馬億吏部尚書湛侍郎智深湛死凶邵之難贈開府儀同三司謚忠簡以
子恁爲駙馬都尉智深以女孫后贈金紫光祿大夫億生子法成法成生
子一子四子五並以梁將死侯景之難子一贈侍中謚曰襄子四贈黃門
侍郎謚曰毅子五贈書侍郎謚曰烈儼再世生左衛將軍淹封醴陵侯謚
曰憲恁生齊秘書監敷贈太常謚曰敬生四子其顯者秘書郎舊驃騎諮
儀叅軍祿舊贈光祿大夫謚曰肅生陳孝子經經隋上開府驄蓋濟陽之
江名見史者凡十人計其爵祿榮名實與六朝相終始何卓匕錚匕者乎
迨至吾唐貞觀二年九月二十三日侍臣王僧儒賈蒙高士廉劉子玄等
分列姓望而江氏得濟陽郡且億公長子法存之後曰道興爲建德令子

世源爲護將軍至予又任今職其地也如彥紹公以總公孫登狀元第而仕終禮部尙書策名仕版者不能盡述然則吾江子孫庶無忝于前人矣因族人携家譜來會嘆平日之相逢如塗人者閱譜觀系共爲一宗嗚呼族譜之整敢不敬歟于是謹率其祖考之由續而書之以示來裔庶知本源有在而敬爰有自昭穆有分親而宜親族而宜睦風俗興而禮義立矣

宋紹定癸巳譜序

古有世本錄所以定世繫辨昭穆紀名號別繼統者也天子建德因生以賜姓胙之土命之氏堯賜伯禹姓曰姒氏曰有夏賜伯尼姓曰姜氏曰有

呂後世或氏于國則齊魯秦吳是也或氏于謚則文武成宣是也或氏于
官則司徒司空是也或氏于爵則王孫公孫是也或氏于字則孟孫叔孫
是也或氏于居則東門比郭是也或氏于志則三身五鹿是也或氏于寧
則巫乙匠陶是也于是受姓命姓而姓系錄氏族志作焉其間功德時望
積累綿延者不可多得而門胄興替不常者則又絕滅無聞焉梁武帝晉
意譜籍愍百家姓氏顛錯世系不通迺詔王僧儒廣集衆家大搜群族凡
十有八州一百十六郡編爲成書合七百一十二卷而著姓大族悉在焉
後世子孫得知其祖之所自出也是以史稱安平崔氏汝南應氏並累葉
有文才然未必能久而不墜其後范蔚宗云崔氏雕龍不過父子兩三世

耳非有七葉之中名德重光爵祿相繼人人有集如吾門者此范氏固優于崔氏矣及夷考蔚宗之系歷久無傳焉至沈少傅云少好百家之言身爲四代之史自開闢以來未有爵位蟬聯文才相繼如王氏之盛者信斯言也則王氏其殆庶幾焉江氏之先出于黃帝十八世孫伯益是爲大費改姓嬴氏佐堯爲虞官有大功德于民三子皆受姓封國長曰大廉受秦氏次曰若木封徐國爲徐氏三曰玄仲封江國爲江氏自玄仲而下至于今七十餘世矣而文才卓立致君澤民歷數千百年間而世世曾不乏人正沈約所謂爵位蟬聯文才相繼之盛也故晉朝品量貴胄江氏得爲四海大姓吾祖以譜書貽厥子孫其言以忠厚孝友爲本辨昭穆而緝閨門

次之遺禮具存班七可考所以貽後世而教子孫者可謂盡美矣昔夏侯
亶大同中爲南豫州刺史初宗人謚爲衡陽內史辭日亶侍立御座帝曰
謚于卿踈近亶曰是臣從弟帝知謚于亶踈迺曰卿儻人何不辨族從亶
曰臣聞服屬易踈所以不忍言也噫亶受方面之寄且對萬乘之尊而曲
庇踈族則後人不遵祖宗之訓而楚越其骨肉者誠可耻也今編世系傳
示來裔庶幾遞相補緝永永其傳其有銳意特達者亦將因此而激昂淬
勵以高大其門戶庶弗替前人之遺緒豈不偉哉

宋宣和辛丑譜序

鄉貢進士里人汪光大撰

江氏之族其來尙矣至漢而名始顯韋公以巨孝聞于天下統公迨公徽公以忠策顯於西晉元嘉時將軍湛以贊北伐而遷兵部尙書侍中數以擢僥倖而遷工部尙書淹以文章諷論仕于梁而遷金紫光祿大夫太學執事總以佐少帝而遷尙書令其一家奕世重光至于從弟子一子四子五當侯景之亂並以身殉國而流餘芳偉矣哉分居而晉宋齊梁陳隋唐之間一隅之地江氏之派班班列居文昌之位歷唐而宋復有兩尙書者武勳陞擢克振前烈丕承哉由溯其源而澄其流歷唐巢寇猖獗新安雖界一隅而毒流莫之敢觸當時之說唯以其地者可以遯迹是以歛之地

名黃墩凡諸姓避于斯地者皆得保全故尙書父祖蕭翁遷黃墩而子曰
洪復遷于婺源謝坑循歷山川窈深幽僻遂于金盞山前闢草萊而廬阜
居焉耕食鑿飲果裕一家洪生子德唐光化年間超然風骨倜儻不群尙
義好施嘗築梵誦之室曰蘭馨繹佛書以逸其老嘗得異人指居傍之地
曰如塋于附木藤畔子孫可刻期貴顯遂記之曰龍躍天池勒馬旌旗貂
蟬兜鍪奕世名馳翁之夫婦既沒依異人而塋于獅子山前駝負藤下壬
山丙向塋後生子曰潛曰灃氣稟甚異驍勇有謀立武功甚銳當時偏方
唐主李煜據于鄴錢鏐據于瀾李重進據于淮及我太祖已興奈蠡賊洪
細顏者以頑民弄兵近至肘腋遂下詔勅招義士且諭得其首者予金賞

潛之兄弟應募而起躬蹈賊營竟馘其首勇于智謀何以加焉建隆乾德
間兵戈不息我太宗急于清定故募潛湮從之征伐屢有大功任殿前指
揮虞侯官至殿中侍御史上柱國光祿之勲乃制曰淬勵壯心訓齊義旅
公于封部克著殊勲乾德年間兄弟致仕各有差等回鸞紫誥歸馬牧牛
遂鎮南牖之下迄今水口之地以營其居壘堞環基卽歸兵之故址也
金紫公潛御葬虎闌旺林墩澄坑派管業銀青公湮御葬清華古縣基畔
東園祠屋背後桂花園羅雲三門派所掌也二公之裔有遷饒之浮梁鄱
之規田光州之固始江浙之衢州今皆顯盛遠近能通其世系也觀夫建
隆乾德之誥勅乃宋之元勳居是邦也迄今百有餘載二公馬鬣之封而

松栢無恙猗歟盛哉稽譜系者緝而編之庶使後之子孫知源之所自出
于是乎書

元至正十一年譜序

三衢王東壽撰

夫譜之爲書古史官之記載也自宗法廢而人倫之教不明昭穆之分無
別故眉山明允之譜興焉士大夫之家率有譜牒上明得姓受氏之所始
下記子孫世系之所由啟卷視之則親疎遠近不待辨說而明矣故羲皇
葛天離運無懷之世遼乎憂矣五帝以來下歷夏商周秦存于世本之錄
可見故傳史得依焉司馬遷稽之譜牒以成其書後之言氏族者益資以

爲據自是以來漢有姓氏官譜而庶邵之徒皆著成編迨魏以來置周邵
中正立本設狀以求人才晉宋因之爲譜局有司遷舉必稽譜牒而譜官
備矣摯虞首撰昭穆十卷王僧儒輩著書多至數百篇以至數萬言而譜
學盛矣至于山東崔盧鄭而譜始分焉唐之譜牒蓋始于太宗改于高修
于申而定於開元曰志曰錄攷於諸史可徵也自是以來姓氏之書煥然
而明矣且族之爲言簇也像夫物之羣分而類聚也姓之爲言生也言其
所自生也氏之爲言示也示其所自分也自姓氏宗法之制度而譜牒益
無窮矣原乎江氏之先出自顓頊玄孫伯益之後分封於江後爲楚所滅
子孫遂以國爲氏春秋有江乙有瑕丘公受詩書春秋於申公江革江道

世有令德至于江統江淹名載簡策漢晉宋隋以來代不乏賢唐末有名
蕭翁者因黃巢之亂避地新安篁墩繼遷婺源謝坑後有名潛隱者官至
尚書迄今一百六世于茲矣其間人物興替不同貧賤富貴亦異雖然同
源殊流自祖宗視之則均是子孫無親疎也豈可錄此而遺彼哉有江賢
君偕族人因編家譜及墓田誌囑予校正余嚮之愚人也學淺識陋勉承
以塞來意其他居虎闡丞相古心居饒枝派同列庶見源流支分之不替
矣吁譜牒之興廢族派之盛衰在夫子孫賢否何如耳江氏之譜源流炳
然如此則凡後有興者率知尊祖敬宗之義子孫雖百世之遠其昭穆名
分不問而可知矣是書爲序

明洪武十三年譜序

襲慶圖者信安江氏所以譜其族也由鼻祖應元公至宋漢臣公侍御歷世二十有二由宋及今又十餘世其始根于漢蔓于唐赫然花于宋吾知天之所以福其善人之所以嗣其慶者蓋未艾也上下一千餘年支分派別若親若踈尊卑井井然不紊何其躋哉吾聞源之深者其流長木之大者其葉茂如河出崑崙江出岷嶓水之有源者也徂徠之松新甫之栢木之有本者也故其流其幹遠齊湖海高平霄漢豈若溝澮雨集朝盈而暮涸榛棘叢生春榮而秋悴者所可同日語哉然則天下之水一也而其流有遠近者源之異也木一也而其材有巨細者本之殊也今觀江氏之高

遠若是得非原本之深大所致耶爲之後者能于歲事之餘指以示子孫
曰某也親某也踈某也勤而富某也怠而貧苟貧也賤也雖吾族之不外
也富也貴也亦吾族之不踈也如是則尊祖敬先繼志述事永保其流委
之長柯葉之盛以無負乎本源之深且大者詎有已乎哉於乎本源之
深由良佐翁而上則既往矣然其流之綿長葉之繁熾良佐翁其勗之景
仰之餘因題以序

洪武十三年五月初二日前翰林學士承旨嘉議大夫知制誥兼修

國史兼太子贊善大夫金華宋濂撰

明成化十五年譜序

虎溪駝山居士裔孫 濬撰

天順乙卯春先君與宗叔俊同摭修家譜予兄弟侍側聞先君曰譜之爲書所以著姓氏定倫次叙昭穆紀文章政事冀後世不失其本敦族義也家而無此使祖宗一體而分不數世而相視如塗人是譜豈可以無述焉吾江本伯益後賜姓羸至周封江國子孫以國爲氏積世以來枝葉蔓于陳留臨緇之地顯宦相仍垂名汗簡迨晉回公避亂金陵歷歷顯要至唐蕭翁遷歛篁墩而子洪遷婺謝坑出金紫銀青兩尙書銀青之裔曰棣公遷虎溪傳派至今二十世矣余續斯譜以蕭翁爲鼻祖以前派系並依族伯亨三公原錄七世祖夢良公與古心丞相編例并參前國子助教深左

司諫公望縉紳先生遜所紀世德相傳姑不失其本源而已以後派系則
編次繼述凡生娶卒葬皆書之遺者缺之枝分派別尊卑井然不紊此修
譜之切務也因循未成先君升遐倏然十有餘年矣余雖不敏弗克繼志
述事然譜之未續後人何以識祖宗之所以自出族屬之有義哉於是兄
淮取舊譜反覆校訂遷居遠近族屬關會支派有合者錄之不至者缺之
無據者斥之斯乃分疎戚別貴賤之誼也是書將成濬乃校讐無謬增寫
卽真瑩城二圖以便披覽世有銘誌詩文附錄以傳其無稽據者亦不敢
妄述以傳疑于後深慚鄙陋不能合宗法之遺意然續其後裔必以倫次
爲正昭穆爲序與夫祖宗之本源今昔顯宦文章政事燦然昭著雖庸人

孺子一覽可知俾族人觀之即知其身之出于一人必興起其孝思之心
敦其睦族之義矣見先世之簪纓蟬聯則必奮其好學之志紹其仕宦之
繩也弗替以引之則吾兄弟遂先君之志於是編亦必有補于世教者也
凡諸族子宜勉之哉宜勉之哉

明嘉靖統會宗譜總序

人生天地間皆一而已矣乾稱父坤稱母一之源也高曾祖禰孫玄雲仍
一之流也雖曰同氣異形一焉始分枝分派別一焉斯萬而不一之中有
至一者存顧人無匪夷之思及之爾今吾邑西江子澤合江姓而統會之

吾見斯舉也倫理正源頭清恩義篤維持名教于誠心真切之地則員顛
方趾遙七華胃吾不知其幾千萬狀而談笑鋪叙指點方冊孰爲一本孰
爲萬殊原一而萬會萬而一若辨蒼素數竒偶矣果匪夷所思耶此余嘉
得于俄觀創見而不容以辭其請也按江之先本嬴姓伯益之後分封得
姓者十九人江則其一也至漢而名尤顯有諱革字次翁獨以巨孝名聞
天下厥子三曰庶曰幾曰忠皆列仕于朝而有散騎常侍曰統顯于晉上
剪戎之策有功當時上莫之聽銅駝荆棘五馬南浮而羣賢遷播矣元嘉
時將軍湛以贊北伐而遷吏部尙書侍中敷以抑僥倖而遷工部尙書淹
以文章諷論仕于梁而遷金紫光祿大夫太學執事總以佐少帝而遷尙

書會其一家奕世而卓卓者至于從弟子一子四子五當侯景之亂以身
殉國而名議列侯之謚偉矣哉江氏之盛也故當時膏腴之地多爲江氏
所居有曰江國者卽濟公之受封其後有移家山東濟南而福建興化河
南汝寧浙江錢塘九江德安類皆濟南之分派也有曰臨淄者卽立公之
受封其後家陳留考城而紹興山陰處州青田南陽諸葛里河南江家宅
類皆考城之分派也有曰山陰始于統公而金陵建業昇縣清溪河南龍
門諸派皆祖之江家宅始于總公而汴梁廣信旌德金鰲涇川杭州池州
太平諸派皆祖之至于歙縣篁墩則由鎮南將軍彥綱公因避黃巢所遷
遂家婺源謝坑而卒弘大家聲如金紫銀青者又有吳越侍御景房因沈

籍陰德之報而子孫簪纓不絕至謂一門三侍御十子九登科者婺源桂
花園虎闡澄坑則托始于謝坑而派分子析如羅雲水路城東雙桂坊鄱
之傍舍江家壩浮之長寧新合又或自謝坑自虎闡者也衢有八派九枝
則肇迹于開化龍游而溪殊徑別如歙北江村德興朱田都昌貴溪鄱陽
珠湖又或自八派自九支者也其餘或出彼入此出此入彼殆如斷絲散
繩誠不可以頭緒計也由是各望其地各宗其譜雖咫尺之近而有秦越
之分視古人家天下之心殆霄壤矣今視江子之爲是也豈真家天下云
乎哉蓋欲拔去澆漓之俗挽回淳朴之風使族之人各自其身推及于其
父自其父推及於其祖自其祖推及於曾祖自其曾祖推及於其高祖又

自高祖而推及于無窮焉則同吾身者同吾父者同吾祖者同吾曾祖者
同吾高祖者同吾分祖者雖有親有疎有遠有近有貧有富有貴有賤有
智有愚有賢有不肖自祖宗視之則皆子孫也何有親疎遠近貧富貴賤
智愚賢不肖之分哉無親疎遠近貧富貴賤智愚賢不肖之分則親之於
疎思何如而敦睦之近之於遠思何如而時會之富之於貧思何如而周
恤之貴之于賤思何如而維持之智之于愚賢之于不肖思何如而勸勉
之殆見好惡相同憂樂相共音問相通聲勢相倚綱紀相扶有無相濟出
入相友會遇相揖德業相勸過失相規農末相資商賈相合水火盜賊相
顧疾病患難相恤婚姻死喪相助強不凌乎弱衆不暴乎寡大不欺乎小

一宗之中和氣周流仁風霽霽上無愧于祖宗次無愧于大家次無愧于
斯譜矣善哉江子之爲是也然其輯譜說表世系叙節畧寫遺像而所謂
匡之直之輔之翼之使自得之或者指于無益之舉此不知譜者也身足
爲江子之議哉故曰不一之中有至一者存江子斯舉也能原一會萬直
匪夷之所思也已嗟夫一本之論見于孟子萬一之說訪于濂溪合天人
而一之余固知在斯人也然譜學失傳久矣感發而興起者亦多也求如
是光明正大簡切真實而易觀者蓋寥寥也余以是又知江子爲經綸之
手而是譜信能爲統會也故併陳之以爲將來者勸

嘉靖庚子之冬十月既望

賜進士出身通議大夫北京兵部左侍郎致仕前南京都察院右副都御史

史奉

勅督管操江巡江巡海撫遼東燒荒防冬兼贊理軍務邊儲邑北峩峩潘

珍序

明嘉靖庚子年譜序

江氏鉅族也顓頊之後伯益之裔得姓于周武王之封丕顯于齊東濟陽之郡南陽諸葛里河南江家宅歛之篁墩石橋婺之謝坑東門坵皆其祖派盛之尤者惜乎世遠人繁分徙尤多近如婺遷桂花園水路虎闡澄坑

浮之江村長寧鄱之傍舍視田皆以同幹異枝而各望其地各宗其譜昭
穆等降之序多不得其明者有矣由是虎丘之裔號晴塘者奮激于講讀
之餘而熟議于余曰吾聞三世不修譜比之不孝又云莫爲于前雖美弗
彰莫爲于後雖盛弗傳余欲承先君之夙志仰立言之一端提綱挈領合
江氏而統會之先生其肯輔謀翼志而張主之乎余則勃然應之曰余與
子善曾同硯席意氣相期苟有嘉謀遠志惡得不竭片長寸能而爲之助
乎第先儒有云作譜雖美事亦難事且世俗之情趨附何常必也負其名
望位尊而道充日新而富有則言出而僉情服事立而天下法陳同父所
謂繫籍聖賢是也余則一介書生慵踈儔耳安敢以愚賤自專自用爲哉

晴塘曰不然夫天下事專于一者必精久于其行者必工先生嘗以陳氏大成譜會遊樂四方協集遠近亦有年矣矧聞登先生會者皆其源深流長枝蕃派衍閭閻顯宦之家苟非操持有素作事有法者曷克如是其響應而不變也成于己者必成于人明於彼者必明於此也先生何以我爲卻耶於是不敢強其辨而抑其志遂諾其請而赴其會焉易曰鶴鳴在陰其子和之我有好爵吾與爾縻之若夫羸馬負山之誚夸父逐日之訊咸不知所恤矣然而任之重者不可以輕舉事之大者不可以獨爲幸有澄源之裔曰峽溪晴塘之弟曰栢坡相與協力分勞任責旁收樂叙而奔走不憚其煩繼而同志如桂花園之鍾山謝坑之雙峯浮北之鳳崗羅山

者輔弼其間而草創之功多賴其半矣且其數子之存心也不以貧富貴賤分階等不以親疎遠近別爾我不以智愚賢不肖異趨向凡有源委煥然而可稽者皆羅入會共成厥美是則數君子者舉數百年未舉之典會數百年未會之人明數百年未明之序行數百年未行之禮篤數百年未篤之義謂之弊者皆一鼓而空之是亦可謂善繼善述而光前裕後之最者矣然則任其托者可不盡心竭力以重其事乎哉潛心考究模訪效法閣筆于數月之間編次于既確之餘是故有目錄以序其次第有凡例以示其程式有會圖以歆其情思有譜說以開其愚蒙有節畧以昭其隱顯有遷徙以定其親疎有皂白以辨其真僞如天之生物也萬殊而一本故

先之以姓氏之源姓其繁也一本而萬殊故次之以世系之圖世圖詳矣
故次之行實行實著矣故次以齒齒序矣故次之以爵念祖報功則想其
形容而像其文物故次之衣冠之圖貶厥孫謀而令名不朽者莫若文獻
故次之以文集繩其祖武而紀綱不絕者莫若遺言故次之以家訓終焉
夫次第序所以易檢閱也程式示所以定矩度也歆情思所以協衆心也
開愚蒙所以知趨向也昭隱顯所以明出處也定親疎所以分厚薄也辨
真僞所以實去取也姓氏別明一本而濬其源所以昭永思也世系詳究
萬派而清其流所以序昭穆也行實著則善惡有分所以示勸懲也序齒
則高年尊所以老者也書爵則思命崇所以貴貴也遺像立所以垂功德

來觀感也文獻集所以崇斯文敦好尚也至于家訓已具則紀綱無不振
舉禮義無不興隆冠婚喪祭之儀孝友睦婣之風藹然而可掬也夫如是
則晴塘奮激之志庶或遂矣協力同志之士庶或慰矣統會宗譜之義庶
或脩矣羸馬之誚夸父之訊亦庶或可以不多矣若彼絺章繪句駕空貼
虛而苟且于一時者非惟不能實亦有不敬也是爲序

昔

皇明嘉靖庚子十月眷生婺源霍口時齋陳

瑄

拜書

咸淳朱田譜序

曾竊謂族之爲類也古者別生分類而作洎作時則有著姓氏之書莫世系叙昭穆而名小史時則有紀姓之官帝王何切切于姓氏如此哉蓋厚人倫和風俗必以聯宗族爲先原夫宗族之初皆同所自出而人之情亦惟族類則能相親也夫苟族類不明則親者莫知其爲親有視同路人者矣有相爲仇敵者矣傳曰非我族類其心必異甚矣族類之不可不明也吾宗自三衢侍御公第三子用德待試京師不幸無祿一子名錫因娣氏汪都曹家遂居婺源之浮沙卽念七府君也今浮沙先壠自府君至曾大父玉汝先生甫及四世曾每恠四世而上先壠不可考宗族不可知今得

開化總幹族兄遞示曾大父所跋江氏襲慶圖墨跡卽知先世與三衢江
氏諸族往還稠密文翰相通特諸祖早世江浙路遠聲跡遂踈几于視同
路人吁可嘆哉總幹以九秩之元老爲一族之達尊篤叙宗盟獎予後進
親書序引于譜牒之前推究根源于漂泊之遠曾老矣無能爲也所願江
浙雲初各奮激于功名勉勵于詩書將見五鼎八貂重金疊玉無所負會
大父所期漢金唐肅之盛儷于古而侈于今光于前而裕于後豈不偉哉
咸淳甲戌仲秋旣望玉汝曾孫曾百彙謹書

嘉靖庚子浮梁誥峯譜序

北京兵部主事鄱陽胡岳書

夫譜系所以錄姓氏也古者姓氏之權出于上而世譜爲易明後世姓氏之權出乎下而世譜爲難考是故以子長之學自序其祖不免有奔魏之誣以子雲之才自序其祖不免有陽侯之妄是皆世譜不明之故耳于是見譜系之不可以已也且夫江之姓氏甲于天下者浮婺之族又甲于江氏者也其祖蓋出於周之濟公迄東漢之革公傳於西晉之統公至後唐彥綱公始居歙之篁墩彥綱公生洪洪生德德生子曰潛其後遷光州固始曰湮遷婺源謝坑曰海遷越州江陰曰源遷歙州溪南源公之子曰恭曰敬曰禮禮公則由歙遷祁之仙桂鄉其子徵之則由祁遷浮北之誥

峯而爲浮北之始祖也自是而後有遷嚴溪者焉有遷李源者焉有遷坑
口橫坑者焉又遷洪灣者焉又有遷池州宿松者焉今浮北江子壯子淮
持其譜系與婺之譜系來示于予予閱之數日自洪公而上歷年千餘自
洪公而下卅世幾十支分節派昭穆分明英豪輩出代不乏人中間或仕
有先後之不同而同爲當時之名宦也或處有遠近之不一而咸爲一世
之傑士也紀錄行實若合符節是古人之不可能而江氏之所獨能也嗚
呼非立教之貞世守之賢克若是乎雖然代愈遠而居益繁人愈盛而宗
益廣猶懼其渙而弗易萃也于是乎聯屬衆小宗而爲一大宗因其可久
之緒著爲不刊之典使宗有所統而元有所會嗚呼此明倫重本之意也

重本則崇報之義昭明倫則垂訓之道遠夫崇報至孝也垂訓至仁也仁孝立而天下之理得矣甚矣江氏之本未艾也江氏之本未艾也

嘉靖甲辰德興朱田譜序 裔孫 瓊 廷玉 謹叙

始祖伯益公佐禹敷治厥子立仲受封于江迄春秋文公四年國併於楚而族即以國著姓焉至四十八世蕤公任譙郡守時族繁衍底晉有統公者任禮部尙書著徙戎論繼有世源公者官守信安而因居之遂爲三衢之始祖傳至二十四世族大人庶家書戶禮有景房公官至侍御史生五子三曰用德久留待對京師捐館不克歸矣一子名錫幼依姊居婺源今

婺源之浮沙江村始祖是也居婺之三世祖思齊先生繹中饒舉知房陵
縣事四世玉汝先生介中饒舉登木待問榜進士判重慶府介過海川而
卜宅後市居焉道友晦翁先生造廬曰君子擇居相土之宜因地之利而
已然先生居是地之非宜也介于異姓之間非利也爲之改遷于海川之
西鑿南北兩井而名之曰朱泉迄今訛稱之曰朱田焉是朱泉吾祖介公
之始遷而介公吾族海川之始祖也迭承先訓世欽祖德自宋迄今代不
乏賢約五百餘歲間而發身榮顯者不可勝計矣如廸公郎允恭豐城尉
叔恭知延安事應程周王府教授永仕松陽尉道右佐城安縣鳳生守東
寧衛公輔等祖皆以名實爲先而偉績之在當時雖歷世而猶存若夫中

饒舉而不仕舉待魁而奉親則又有懿恭應麟諸公而修身養晦者不爲
無其人也然觀伯益公以功而受封于前吾姓之來也古矣玉汝公以賢
而衍于後世吾族之延也遠矣是繼于後者得前人而有光而創于前者
賴後人而益彰矣噫祖功宗德其可忘夫吾欲以吾之不敢忘而期于無
窮則先人之模訓歷代之治績世美之哲行有書之而不能以盡言者敢
誌之以詔後世庶後乎吾者有所觀感而興起焉耳

襲慶圖序

原究江氏自黃帝五代孫玄仲因得國姓歷世既遠子孫浩繁五季以前

悉見上卷載自我宋肇造詳核侍御之雲仍尊卑有條貴賤不紊凡功名之傳襲慶緒之綿延燦然明白標名曰襲慶圖使觀者激勵云竊謂種學積文所以福身務本榮家顯祖莫若發策決科既藉名于朝廷且騰譽于鄉里罔不務明經而取青紫率皆力稽古而享尊榮惟祖宗積累者有開于先宜子孫成立者自耀于後慨念我祖始自咸平王曾榜以來文物類振匕之衆多科名有奕匕之風雅英雄輩出文武交輝制舉者三登科有五或奏書而寤主聽或獻藝而取世資在貢選則踵升于賢闈于魁文則迭著于方策五世而芝蘭交映一榜而棣萼聯輝學官教官通藉不乏賈榜何榜得人最多榮歸拜雙親之前顯士萃一門之內簪笏委積榮戟森

海陽江邑續言 卷之二
羅或別歷于監司或升騰于省闈視守倅指爲常調企臺閣願繼清芬霏
七動月旦之評藉七沸縉紳之論屬後生之可畏信來者之無涯尙及見
之安見可量也

康熙丙寅開化桂岩譜序

賜進士遂安毛際可書

余年友江子度遠以家牒桂岩集見示載其遠祖景房公仕吳越爲鎮海
軍節度判官吳越偏安一隅而宮殿園囿之盛擬於上國且歲時貢獻不
絕內畜軍旅外交鄰封供役繁費故田賦每畝增至三斗視常稅不止加
倍國除景房公奉使載圖籍以獻念浙民久困而賦額一登天府將遂沿

爲定制悉沉之於河以罪自劾太宗怒欲置大辟旋宥之放歸田里吳越
諸從官皆得列顯秩而景房公獨擯斥終身者以沉籍故也其後子孫登
仕籍數百人三衢爲著姓余爲之輟卷而嘆曰淞自錢武肅王建國五代
時獨能恪守臣節號稱小康故雖田賦倍增而民不至于離畔者以父母
妻子得免兵革患也然其享國不久又繼唐世三百載休養之後猶可勉
強以應上之求使宋室相沿不改必致流離奔竄戶不聊生其後高宗南
渡何以爲立國之基業乎余家世肄於淞田稅一循宋舊然閭里尙以催
科爲苦而况于錢氏之倍征則至今猶食景房公德于勿替也當明太祖
平吳以蘓民爲張士誠固守特課畝加重遂貽無窮之害其時如劉誠意

諸君子得君最專而不能極言以減其賦益知景房公之賢爲不可及也
夫度遠今官安陸守以清節著

康熙己巳遂安重修譜序

江右儒學教諭 盛吉撰

予承之遂庠聞遂之南去邑四十里有地勝曰芳山以所處之著姓因以
美號者曰上江凡士君子莫不獎諛而重尊稱爲故家大族也今歲之春
有庠生江謐敬持從叔江宗儒輩重修譜書一帙踵於官舍徵予文以序
其端以紀其實予聞喜而弗辭也已聞鳳林芳山之江源澄流遠爲遂之
甲姓敢不以道其實乎按江氏之先自唐虞伯益之子玄仲受封於江以

國爲姓迨秦以廢江國居濟水之南故號爲濟陽郡越五十世有諱統字
應元者官仕散騎永嘉二年隨龍過江居潤州之丹陽自是繼遭寇變族
人分散各處不一有徙於山陰有年矣芳山之江卽山陰之再遷也自統
以下登仕版者竊以名之越二世有霖仕國子祭酒四世欽仕咨議叅軍
五世恒仕郎史散騎六世衍仕國子博士此江氏源流之大畧也衍公致
仕有公子曰謂往三衢道經遂之芳山觀其山環水遶龍迎虎伏之勝遂
買地構室于其間越數世有萬拾公任邵武太守生三子築室分上中下
三宅以後族屬繁大逮

先朝以來簪纓蟬聯有曰伯圭者任建寧知事叔武者爲閩縣丞子仁歷

事身臺原旻爲潮城教諭江西秀州之巡宰仕弘也大名濬縣之丞仕崇也至慈超爲上舍而榮膺冠帶存信承黼黻聽選天官他如蓄金聚玉或笑傲於松菊或幽樂於琴書表表於世者未暇勝數夫如是非耳濡目染世德益後昭揚於古今者安能若是乎嗚呼先王之賜姓命氏所以別有族也大宗小宗所以明有祖也知祖之當尊則知族之當睦故設譜書所以崇本始而隆孝敬也族譜旣明故雖服盡而情親則使苗裔而正派流而清尊卑有序踈戚有辨俾宗族藹然親目如一日不至相視途人其防範世道扶持人紀也至矣及五季之亂離汴宋之遷播士大夫家能存家者幾希子孫源分派別孰得而辨其端倪哉今江氏譜牒自上而下顯然

可考有條不紊且宗儒輩能繼志述事則拳匕於譜牒重爲編理使古者
振其跡新者接其傳其崇本敦睦之心可見矣予以知江氏瓜瓞蕃衍仕
宦綿綿視凡所謂故家大族者不侔是爲序

康熙己巳遂安宗譜序

裔孫之廣書

族人其初一身也由一身而降日漸繁衍至以千百計人各有一身因人
各私一身誼益乖離而同源共本之意不可復問嗚呼亦思今之有千百
身者可以忘其本而昧其源乎朱子曰吾身卽祖考遺體生生之理根之
由於彼者無止息氣之具於我者無間斷然則人身卽祖考之身也千百

人之身卽祖考一身也一身之中痛癢不相關寒熱不知調雖愚者亦知其不可故族譜之作所以聯異形爲同體而篤親親之誼也吾族譜謀自萬曆間續修以來八十有七年矣時移物換不及今修輯恐將來莫可攷據適婺源宗人諱之淇不憚跋涉有統會宗譜之約予聞之喜曰此素志也廼告族人皆鼓舞從事於是合上江上方洪坑江村及予大塘世系彙爲一帙以會其譜無溢美無踈漏旣成而告於族人曰家之有譜匪徒脩記載而已蓋聯異形爲同體而篤親親之誼也吾之族人果能修禮義尙嫻睦敬老慈幼拯困卹危歡然如一父之子讀斯譜也則有上觀祖考下顧本支仁孝之思快然無憾者矣若其澆薄不情頑鈍無耻孝弟之道

不修禮讓之風蔑如甚至強凌弱衆暴寡富有者侮貧乏至迷之人不若
讀斯譜也則有抱媿先人獲戾宗族中心慚慙惶汗不寧者矣然則前人
之作而傳之與今之修而續之者誠非無意也是所望於族人也夫

康熙己巳芳山江氏宗譜序

獅山廩生

余鼎瓚拜撰

今夫觀於河者有不驚其汪洋澎湃之勢乎河之爲水也絡山滙海倏然
而來而莫測其涯迨然而止而莫窺其底天下之大觀不是過矣然其始
發源星宿然後由積石達龍門以及雍冀豫兗之墟千里一折而不可禦
蓋源之遠者其流長理固然也由此推之一姓之始有鼻祖由鼻祖而下

支屬蕃昌極於百千萬億析居南北星羅碁布不猶河之源遠而流長乎
江氏爲伯益之裔代產偉人至東晉散騎常侍曰統南渡居山陰四傳而
爲國子博士衍衍子謂始遷於遂之上江又二十有三傳爲刺史公萬拾
築室爲上中下三宅其後裔曰興一遷庄裏仕球遷上方興三則遷吳川
遷大塘者爲彥棣彥岳遷江村者爲仕葵遷茂坪者爲驟二而辛三辛四
則遷水西居焉皆刺史公之派也綿七瓜瓞作述相承秀者業詩書朴者
安猷畝邑中之風俗醇厚克敦古道者惟江氏爲最其家乘自前甲辰纂
修歷有年所適婺源江氏有會譜之約迺於己巳春鳩衆續輯踰月告成
上溯本源下詳支派千百年世系瞭然在目而表潛德發幽光凡忠孝節

廉之大與夫文章學問之不容泯滅者皆有所托以傳焉嗚呼盛矣夫世家大族所在多有而盛衰無常後世不免凌替江氏自南渡以迄於今寢昌寢熾門戶之盛與山川俱長非其先世之盛德何以至此又况兵燹頻仍邑之譜牒散佚至高曾以前茫然不可考據者豈少哉而江氏且出其完好如初者增修而剝削之則其後裔之象賢又何如也夫莫爲之前雖美弗彰莫爲之後雖盛弗傳則江氏之大振其家聲而繼刺史公之業又曷可量耶然則振七蟄七延及苗裔不信猶河之源遠而流長哉

金鰲從政公支譜序

昔唐太宗詔高士庶及岑士文本等賚天下譜牒參攷史傳檢正真僞合得九百二十三姓號曰世族族譜之序由來尙矣王者且然而况下此乎况一家乎此又源源本本之義不可考也江自伯益之後封國於江會盟載於麟經素巨族也名人竒士不可殫述而以經學著者有瑕丘以忠義著者有仲元以孝行著者有次翁以清廉著者有徽深彼皆皎々一時樹名流重望誠足以光史冊照家乘矣而溯金鰲之所從來源遠流長實維乃革公傳十六世而至淹公今憶淹公厥考有文雅才仕晉爲南沙令早卒淹公因採薪養母孝德可風仕齊拜尙書令非公事不妄行彈劾不避

權貴此其烈也丈夫槩至今猶髣髴見之方其爲宣城守工文章一以風雅化俗碧水丹山平生所好宛陵多佳山水家世于茲有由來也自是之後傳五世而至韶始遷旌卜金鰲而居焉韶傳世有七而及瑩七生子三若虛其三子也若虛生從政孫子漸以林立而其派之繁衍者獨爲從政五子之彥璋有鎮金鰲者有適東粵者有遷太平之西垣者由西垣播而文埜而歙北豐瑞里如是右族皆從政派也向余令旌陽嘗披其山川覽其人士大都族繁而好禮敦行誼修文學其子弟斌斌乎皆儒者氣予顧而色喜以爲卓有祖風嗚呼吾慕淹公而不得見見淹公之後人不啻遇淹公也無何擢職京師江之人往來於京師者歲每遇之己巳春江子文

源懼族之繁而難以理也爲之係以根系而修函以問余余與文源夙叨
函丈之親因樂得而序之曰譜之作豈惟其世系之謂抑亦宗風不墜之
謂前人者後人之師而祖宗者子孫之師爾修爾經學有瑕丘在修爾忠
義有仲元在修爾孝行有次翁在修爾清廉有徽深在而况宛之俗秀外
而惠中者淹公之令德也宛之人多詩而尙文者淹公之文章也夫能以
化闔郡之人百世不祧而反無以啟後昆未之有也譜之作也其在斯乎
若夫瓜瓞之相屬昭穆之不紊總免之遞殺自有可考者余固不言矣

大清康熙二十八年歲在己巳仲夏穀旦

賜進士第奉直大夫太僕寺少卿前通政司僉議吏部文選清吏司郎中

本部稽勲清吏司員外文選清吏司主事前知旌德縣事行取

蒲田年家眷侍教弟

程甲化彙撰

康熙己巳歙北豐瑞里族譜序

裔孫 書敬序

譜何昉乎普詳其世系之謂譜世系何爲而普詳之也蓋古之聖人有立廟聚渙之誼蓋聚一己之精神而使之不散也然則譜者不但聯其世系而更聯其靈爽而通爲一體之謂也則譜之設非易易也族氏之譜又非僅普詳其世系已也自天地既分以來天之開天有所以爲天之原地之闢地有所以爲地之原豈人之生而無所以爲生之原乎總此綱緼之氣

渾圖旋結以至於今可聽其渙而不聯間而不通將所以爲生之大原不
幾幾不可問乎譜之者所以溯源窮流而會究吾生之所由來通天地人
祖而大聯爲一原也譜之設洵非易易也吾族江氏立仲公肇封于江而
江姓始著代有賢良聲名顯赫不可勝計其遷居各省郡邑處處蕃衍俱
可析其世系至六十六世祖有革公者自山東濟陽臨淄縣以孝行升聞
官居太尉聲名赫奕實爲濟陽江氏一世之始祖至十世祖有統公官居
洗馬崇文正體至十六世祖有淹公文章名世爲宣城太守封醴陵侯十
七世祖荃公隨父宦居宣城東門入贅蕭室至二十世祖韶公器局不凡
識量過人常以市居繁雜見金鰲山水秀異八景呈祥遂卜居之名其地

曰江村自是人和俗美英俊疊生甲第盈門遂爲旌邑首族至三十七世祖橫公遷太平縣西坦至四十五世祖顯宗公遷居文埜至四十六世公又命其第六子必寧公遷居歙北之瑞里二處俱不失金鰲之故武是皆韶公之遺澤以暨革公之世德沿流充溢以至此耶獨計爲顯宗公者以一人之身生六子旣以五子宏開基業于文野又以第六子必寧公者遠遷歙北之瑞里彼此俱成大業支派繁衍世濟其美豈非洞悉天人與地利曷克臻此顯宗公真人傑也哉吾儕後裔仰承先德躬逢盛舉幸遇賢能大集宗本切願以宗本而思現前之本敦孝養之誠又以宗本而思大共之本篤友于之誼因孝作忠因忠成孝景仰前哲奮志皇猷恩光甲第

世不乏人不亦譜事之大快哉譜之作洵非易易也亦非僅普詳其世系已也

浮北嚴溪春暉堂序

祁邑歷山 王偉書

嘉靖庚子之秋東臯子築室于龍山之陰奉母孺人陳氏居之扁其堂曰春暉志孝思也謂予廣其義予惟人子之事親也每致無窮之思而求之已也常懷不足之憂則親心豫而孝道得矣此東臯子所以有取于孟郊東野之言而春暉堂所由名也東野其善言孝子之心者乎嘗考孺人之德之行純而有以得東臯子名堂之義矣夫恩以暉言以高明覆照之

莫可爲象也暉以春言以生長鞠育乎我同造化栽培之功而生生之念
蓋有根于性定于命繫于由裏而不可解然則人子欲報之德殆不啻寸
草之心之于春暉者矣矧孺人盛德尤所謂女子之卓卓者哉孺人生長
名家克篤內訓既笄歸于我嚴谷府君執婦道惟謹相府君修經術以求
聖賢之道爬羅子史百家以究古今理亂之迹至于星曆之微亦罔不究
極而周知會時清明樂恬淡未究所蘊卒以隱終自府君卽世孺人撫諸
孤備嘗鞅掌教育漸摩至于樹立中遭大艱孺人身當其衝不沮不撓卒
保無虞凜凜然有烈丈夫之風焉槩舉孺人之始終而論之其事舅姑也
柔嘉貞則有孝道焉其相夫子也承天時行而不敢專遂有順道焉其教

子也愛而知勞納諸義方而后已有慈道焉孝則宜婦順則宜妻慈則宜
母三者咸無憾焉孺人其賢矣孺人其賢矣東臯子痛思府君之不可作
猶幸于斯堂周旋夙夜歆然有維日不足之意寸草之心之難殫者萬一
其庶幾焉昔人有言承于陰教式是嬪則孺人之謂也詩曰孝子不匱永
錫爾類東臯子有焉

蘭溪江村重修九枝溪公譜序

夫事有曠百世而相感者予不知其何心伏而思之其尊祖敬宗之念乎
尊祖必敬宗敬宗必睦族睦族之義與奉先之孝事上之忠等重也然睦

族之念雖殷使散而不聚闕而不修以親宗的派因天各一方遂若吳越未始非孝子賢孫之責也予宗肇自江國因世源公官信安而中軒公又任衢州押衙遂家焉仁揆公實生景房景諧景房公爲吳越侍御史八派之始祖也以沉籍陰隲遂十子九登科焉常山開化至今爲名巨族科第蟬聯皆公之所遺也九枝之派分自景諧公位下紹興錢塘亦時出顯宦亦爲各家予祖延厚公復生九子散居龍蘭湯又爲小九枝其大朝奉深公分居江村予祖澄公分居元潭昭穆之序固甚炳也相去十餘里間或萃于市或集於鄉相呼則叔與姪弟若兄其支派世系具載家乘若合符節者也歲在戊申因橋庵拜祖住持僧圓徹實啟其事因請其族長會于

中秋祭祖會譜因訊及舊日本諜荅以崇禎己巳遭回祿之禍爲灰燼矣
予歎惜之曰安有派在一宗竟使昭穆不明親疎無別何以稱名家不幾
與尋常之族同汶匕乎幸而亨昌標三行叔姪俱表表人間知書達禮諄
匕以修譜爲念商之合族各出分資以爲紙筆費命予手錄嘉靖庚子修
于婺源之譜其深公以下十三代支派世系神主亦因火災而罔聞知矣
予謂此固無慮也卽吾宗屢出縉紳在庠者踵接至譜不修亦有訊及祖
考竟惘然者况遭兵火失紀其序又何損焉以吾宗考若宗以我世證爾
世其源流固可遙相印合雖百世可知也况歷年未遠遺獻猶存近在斯
葉者乎所以因故老所傳有深公以下行字文行忠信繼安第世禎祥并

雪法寧十三字下及仁義福亨昌合深公共十九世與予澄公以下十九
世善字行昭合是爲五十五世因改正二十字行標炳墩釗泳桂煥增鍾
洪杞焜堦鉉潤權鐸坤銘滌自五十六世起各宗俱同字行奕葉雲初歷
久班七可考他鄉異舉起則昭穆明分以紹祖宗百世之烈下以演萬禩
無窮之澤於舊時譜牒重光焉雖曰微勞然以昭示來茲不無小補云

肯

康熙歲次著雍作噩月在赤奮若之吉

元潭裔孫 化謹序

元國奇...

策照... 火著...

無... 龍... 效... 曹... 律... 精... 製... 重... 求... 治... 難... 日... 燄... 後... 然... 以... 單... 示... 來... 茲... 不... 無... 小... 醉... 云...

人... 其... 小... 河... 其... 出... 源... 異... 舉... 跋... 限... 節... 限... 令... 以... 錄... 師... 宗... 百... 廿... 之... 際... 于... 以... 節... 萬... 虧...

其... 外... 賦... 皆... 途... 開... 對... 戰... 射... 隨... 樂... 自... 上... 十... 六... 廿... 跋... 各... 宗... 師... 同... 字... 存... 亦... 業... 雲... 恆... 想...

其... 善... 字... 符... 印... 合... 具... 為... 正... 木... 五... 卅... 四... 五... 五... 十... 字... 符... 點... 兩... 燁... 險... 將... 封... 錄... 解... 難... 難...

其... 善... 字... 符... 印... 合... 具... 為... 正... 木... 五... 卅... 四... 五... 五... 十... 字... 符... 點... 兩... 燁... 險... 將... 封... 錄... 解... 難... 難...

其... 善... 字... 符... 印... 合... 具... 為... 正... 木... 五... 卅... 四... 五... 五... 十... 字... 符... 點... 兩... 燁... 險... 將... 封... 錄... 解... 難... 難...



浮梁水龍口江村譜序

伏以不釋萬理無以執一理之歸不執一理無以審萬理之源世之子孫可不究其始出而端其本源哉且江姓原出上世后稷之後建大勳于朝國封以江地遂以國爲姓至後漢昭烈間巨孝江革孝廉入仕名冠古今然閱歷相承難以悉舉姑取其最關於近代之流傳而考計之夫我鼻祖祿世居婺西虎溪之地所生子者五曰恭曰寬曰信曰敏曰惠其恭寬惠敏各自所遷惟我祖信公官拜通判爰浮南之山水樂鳳遊之境色宋世年間徙遷三溪追我信祖其生平用事厚責于已節用愛人散財睦衆始終如一由是弘開莫大之基于前模裕垂無罄之澤于我后始而迎孟始

傳次而總紳疊作逮至新代續繼以興由是人亨物阜孫子繁庶于是以
暇日美教化崇禮義敦孝悌尚廉耻庶幾為禮義之邦矣當時所稱云昌
江望族巨孝流裔垂及明末清初干戈擾攘人心鼎沸不意盡去其藉滅
闕其禮以至世系之譜壞亂不備矣今清戊辰歲凡屬植下各處齊聚統
會重修世系采輯宗譜以追先遠之德澤續後世之來裔後之興者當思
祖宗創業之艱難嘗有嚴有翼而勿欺念今日守承之不易宜無貳無虞
而莫忽詩云永言孝思孝思維則此之謂也

大以不肯萬聖無以時一聖之觀不特一聖無以審萬聖之則廿之千終

皇清康熙戊辰年春三月裔孫

謹撰

會宗譜序

祖功宗德由來遠矣故溯流者必窮其源觀於水浩々蕩々渺無涯際若
華陰若底柱若洛汭大伾摠之積石龍門皆始於崑崙人之於祖也亦然
吾派演出新安篁墩爲金陵望族其列在各區也纍々焉若々焉不可勝
數卽頌在星江者如江村如遷派不遇一人而列數地及其人也家自爲
氏人自爲族渙然無所紀極匪家乘記載其能敦懃親之好實難惟吾宗
元公也每合於詩曰天生此人好是懿德信斯言也意公之與人者無不
善也若燕則聞而知之矣某富也而亦無驕伯仲之友昭然以義森然焉
序讀斯譜也油然而尊敬生藹然而禮讓接重本篤親毋忘所自是以歷

宋元明代科甲第所賴以聯屬者諸宗公爲之率屬纂修近則派益衍人
益繁不再爲修明何以續前乘而成一氏之紀乎幸創舉者爲之領袖特
再加釐定某也某公之產也某公某子若孫之所承也俾振振兮繩繩兮
炳如日星異日者卽鶩舉遠蹈猶得尋流以究源况宅爾宅田爾田幹年
茲土者耶是爲序

肯

皇清康熙歲在壬申仲既望

婺邑謝坑裔孫應添撰

花園派引

予年餘古稀倦蒞政而樂林泉告致隱居嘗偕弟侄遊於十八都荒田之普乘堂有江姓二老者來詣予爲之譜序予詢其江姓之所自出卽曰謝坑澣公吾之鼻祖也予曰若澣公者名冠古今誰不知之荅曰此吾統會之宗也而吾徙居之世恐後未之知也予與之造其廬見其風朴茂其人剛直真太古之遺民也東山自澣公銀青光祿大夫而下若忠卿公瑕公佑公仁公晟公輝公者皆居謝坑之世系也若亨公永公自三十五世由謝坑而遷東山之始祖也繼傳而惠公烈公禮公厚公茂公洪公者又轉遷於吳老坑僅居五世又三遷於花園村卽今之居

宅是也今之居宅甚吉予雖不精於堪輿但見水遠山環左旗右鼓裔
既出於華胄後必踵灑公而興能光其宗祖耀其閭里其在於斯乎

肯

天啟七年丁卯歲春月吉日

賜進士第通議大夫理寺卿余啟元書於江氏敦睦堂中

其圖也

婺源謝源江村湖公清隱序

吾邑之北去縣治七十里有地名曰謝源而江村者又謝源三村中之中也峯迴路遠泉甘土肥江氏世居之而湖君者又江氏拔萃中之尤者也性淳篤愛恬淡無仕進心凡鄉閭巨細一剖決之結屋數楹爲藏修之所播種樹因地之宜早晚督子耕促婦織所收爲伏臘禦寒之計家道裕如也暇則觀書史歷覽古今此外無餘志也或謂之曰人生世間行義達道建功業以遺子孫君何獨居畎畝而不肯干祿耶荅曰彼騎卒導前旌毛擁後而歸乎鄉井者此大丈夫之得志於一時者也吾豈惡此而不爲哉但有命存焉然此皆遺之以危今吾獨遺之以安未爲無所遺也或人遂

唯此而去予以爲湖君之隱居而不仕者豈或人之所知哉父子以親兄弟以義長幼以序朋友以信宗族以睦又能推廣此心使一家之人皆如是又能使一族一鄉之人皆如是也是則令聞廣譽之施於身卽膏梁錦綉也竹籬茅舍之潔於已則玉堂金馬也孔子曰書云孝乎惟孝友於兄弟施於有政是亦爲政奚其爲爲政湖公斯得之矣既爲之序又從而歌之曰江村之山兮所植蕃茂足以克宮室之需江村之水清兮而不汚足以供鼎俎之資耕田而稼鑿池而魚每夷猶乎物外而逍遙乎襟期黃雞碧酒而時叙兮奚羨人夫 帝王之居是爲序

清康熙甲子統修譜序

翰林秘書院

胡士著撰

江氏之有譜所以譜江氏之族也本其先世始于顓頊祖伯益而宗玄仲伯益嬴姓玄仲其次子也以佐禹度土有功錫封于江子孫遂以爲姓周武王時有濟公者其二十六世孫也佐周而有天下益之封地國于江如故傳十七世地侵於楚避居濟陽因家焉則濟陽臨淄之派所自來也及於東漢濟公四十一世孫是爲革公次翁次翁少失怙奉其母以處嘗遭變亂負母出逃猝遇賊鋒欲害之感其孝誠得免於難鄉人稱之曰巨孝江子其後母終廬於墓者數載服除猶止不去元和甲申舉孝廉尙書朱暉張林等上疏言烈士出將軍之門忠臣生孝子之家上以公爲諫議大

夫永和乙未有詔旌表其門賜其里之名如其鄉所稱曰巨孝里因授齊相名聞天下夫孝先百行刪書斷自唐虞而堯典所載首紀克諧大德受命仲尼直于舜孝而必之良有以也天之所以酬革公者雖未若舜之盛而子孫世食其福人才輩出代有顯者殆未易更僕數也魏晉以來子孫蕃衍以至於今而濟陽之族遂徧天下山之東河之南北江之左右閩浙燕楚所在而是其傳系之叙次遷徙之後先載於譜者較若列眉矣緬惟懷葛以前邈不可考今之天下皆五帝之後姓氏旣分而源流可接使各本其先世而家爲之譜譜必詳所自出踈者無近近亦踈也親者無遠遠亦親也枝附於幹幹依於根天之生物使之一本極諸百千萬億而一本

者固自若也由是雖爲旅人於外在途次之間而相見必以姓通由姓以得世由世以得其年四海之內皆兄弟也未有兄弟而不以齒讓相先者况於吾祖父之列乎遠者如是豈其近者而有不然然則聖人之教所以行而王道之大所以四達而不悖者何非此物此志也耶若江氏宗譜之作則又非自今伊始也其見於昔賢之著述者在漢則有太學執事永才序江氏實錄唐有節度使回述其宗立碑於建康晉有薦紳先生遜修江氏統序宋有諫議大夫珍國子助教深總江氏世譜元有進士冲纘濟陽源流明有學士承旨潛溪宋公暨兵部主事謙峯胡公爲之紀其實綜其序凡此皆載於前譜明嘉靖間其族之在新安者旣輯而次之無有失墜

然當時之主其事者第循舊籍所載足跡既未遍及而間於遠方者或猶有不與知或知而不及奔走以來會及書之成則不可復入故尙多闕遺自時厥後族人之爲仕宦爲商旅相見於他州者率以爲言曠未及舉康熙甲子江子拙田慨然感興率其宗人之淇等不憚勞瘁涉歷數州悉取其家乘由後遡前以屬之於革公其有姓同而舉其世則不合者寧闕而俟諸必無混也而後敢以登誌慎也夫譜之作豈惟以矜氏族之貴門第之盛而已蓋將以順天之性而立人之道天之性人爲貴人之道親親爲大記曰親親故尊祖尊祖故敬宗敬宗故收族收族故宗廟嚴宗廟嚴故重社稷重社稷故愛百姓詩云不顯不承無斁於人斯此之謂也記雖爲

有國言之然敬宗收族之義自天子至於庶人何以異哉如使人懷江子
之志而親以及親無胥於遠則仁讓可興禮樂可作以助王化之成於是
譜端有賴焉非獨整齊其世傳而已吾爲告諸觀者忠孝之心夫亦可以
油然而生矣

昔

大清康熙甲子歲仲冬月至日

內翰林秘書院通家眷侍教生胡士著頓首拜撰

...

...

...



大禧庚申甲午歲...

...

...

...

...

...

清康熙甲子謝坑譜序

裔孫 之淇撰

嘗聞源之深者其流長本之大者其葉茂如河出崑崙江出岷山水之有源者也徂徠之松新甫之栢木之有本者也惟源本深大故其流其幹實長茂焉案江之先本嬴伯益之裔也伯益佐舜有功季子玄仲受封于江國因國爲姓而江氏始興迨春秋時爲楚所滅廢江國爲濟陽郡遂爲濟陽郡望此濟陽江之所自來也厥後子孫各擇其地而處支分派衍儒林仕路流芳昌熾豈非源之深本之大流長而葉茂者歟予伯雲竒嘗謂予曰譜者親親之要族姓之歸有譜則子孫遠近可以相親雖百代之恩誼如故故凡三世不修譜比之不孝如吾家譜系自嘉靖會修迄今百有三

十餘歲未克續修惟此夙夜是惧况明末清初烽火迭見又有甲寅秋之擾亂不早于灰燼之餘而搜求續會恐其墜者多矣時伯兄之淮亦以修譜爲念詎乙卯春病逝遼鄱陽則威可銘諸宗丈來會鐫修予伯翁欣然詳開本派命予統會各宗詣鄱陽傍舍而剖劖之譜成隨往會衢州歙州旌陽金鰲暨蕪杭諸派統會廣修予因反覆披閱見林林總總始悉予姓之甲天下也如子孫振振科名奕奕諸譜序已著其詳予第述遷祖諱尙質字彥綱乃應元公之十九世孫避黃巢亂始由金陵遷歙之篁墩子洪公復遷于婺之謝坑又一世德公尙義好施超越庸凡遇異人指以牛眠地生子四長曰潛次曰澧三曰源四曰海如潛澧二公授宋金紫銀青光

祿大夫潛公子孫遷于光州之固始源公遷歛之溪南繼遷于祁門之仙
桂鄉又遷于浮北長寧之誥峯與池陽貴池建德東流等派海公遷于江
陰澧公仍居謝坑其後又有遷于休之梅田豸川婺之港川曉川花園羅
雲水路虎闡澄坑與浮之江村水龍口通泗橋李施渡鄱之芝城珠湖傍
舍規田山田兆田等派餘或遷楚遷浙遷江右出彼入此出此入彼支分
派衍不克殫計獨予家世自尙質公十六世孫友能公生躍龍大成二公
友能公數傳而仕名公生宗元宗振貴名公生宗政宗豹又自宗政公數
傳而彥誨公生神虎神祐神彪至神祐公生慶壽倉壽美壽自慶壽公暨
予子輩甫六世支下亦大蕃衍在諸子姪輩永能以修德講學爲務而衍

本源則厚之昌大曷可量哉是役也庶無負予修譜之至意云

清康熙甲子兆田譜序

裔孫

南勳謹撰

自古王道首重親親聖學必先孝悌譜則親親之要孝悌之統歸也有譜則子孫遠近可以相親家誼如故有譜則伯叔親疎可以共享蒸嘗一體有譜則祖宗墳墓可以相保億兆併力若是乎譜之不可以不續修也然而前人之述脩矣第自晴塘翁續會以來殊又一百四十餘年而世運推遷治亂不一明末清初烽火迭見求譜之存者寧幾何哉不蚤於灰燼之餘而搜求之續會之吾恐其失墜者多矣嘗集族而談則老者傳聞曰吾

江某之後某祖生某某復生某某處與我同一本某宗與吾同一枝某枝
由某祖而分某宗由某處而別所謂千萬人之身原本一人之身也一人
之身分而至於千萬人年代愈遠分派愈繁一有遺失猶之木本有斷而
水源有混也老者之言所傳雖清其所接續猶恐有間何則不實見諸前
人筆墨而聽其有無可乎是故業憂前譜之無存復虞後裔之難繼嘗冀
一人以爲之倡尤望衆人以爲之和引領數載曾不一見况見他姓異族
者紛紛以修譜爲事心愈迫焉乃欲與一二同心者挺身奮力而爲之庶
幾不罔生天地之間不罔爲父母之子祖宗之孫也適有浮比啟潛元登
諸宗丈來會鐫修樂莫大焉不卽與漢唐宋元明歷代會修之賢比美同

尚書潛公勅

制 右軍御前總管克婺源右義寧指揮第四都軍頭虞侯申報本部公

事江潛 義勇可稱才能夙顯暨登戎戍允著殊勲宜渥朝恩寵陞華

秩欽承蔭陟勿怠忠勤可授銀青光祿檢校 國子祭酒兼監察御史

上柱國江潛餘如此

建隆元年七月

日誥

尚書江潛

尚書潛公再陞誥詞

誥 淬勵壯心訓齊義旅久于封部克著殊勲宜與渥恩今沾階秩精義

勇列勅 如右符到奉行

乾德三年八月 日誥

澧公再陞誥詞

制 右軍御前總管充婺源縣義寧第二指揮第四都軍頭虞侯銀青光

祿大夫檢校國子祭酒兼殿中侍御史上柱國江澧 夙食戎列火鎮

邊郵訓士卒而有方護保障而無驚載言勞效允合甄升祗荷朝恩更

兼忠節可授兵部尚書銀青光祿大夫檢校國子祭酒兼監察御史上

柱國江澧餘如此

勅 如右符到奉行

乾德三年八月

日給

宋丞相萬里公咸淳八年賜詔

詔曰 昔周文王之卽位也詢於虞咨于虢度于閔天謀於南宮又諏訪
至于蔡原辛尹所以謀治政於羣臣者皇皇如弗及矧由我先朝之故者
大臣乎天降割于我家予小子受命亦惟艱哉欽承茲訓夙夜弗懼克荷
永爲萬方之統未燭厥理緊欲不改于父之日亦惟于父之日是謀卿以
諄心正學輔國視政超覽淵識爲時耆艾若 朝廷之典章軍國之機務
生民之休戚治政之得失常皆履而知矣今端居深諭豈無欲爲
朕言乎書曰予惟舊人丕再克違省爾知寧王欲勤哉訪予落止于是未
艾願卿悉心以告以副 朕憲行乞言之意故茲詔示爾宜知悉勅贈

丞相忠臣江萬里而言曰臣君捨已附主施能千秋忠烈萬古名卿
朕謚加之而爲之贊卽附受命承奉恩行准此皇宋咸淳八年
贈詩曰惟德至厚惟仁是尊名香千古昭昭乾坤

贈萬里公夫人黃氏贈南康邵夫人誥

臣事君以忠入躋樞莞婦從夫之貴下及閨門雖不幸而悼亡亦必忠之
愍錫厚之至也榮孰大焉丞相江萬里故妻黃氏賦性柔明持身專靜勉
其君子早諭蹇諤之忱宜厥家人允極睦嫺之美迹此登延之貴申迨內
助之賢已錫魚軒申加鸞誥義莫崇于伉儷恩寧間於幽冥而居有之已

悟鵲巢之應如可作也尙崇馬鬣之封 萬里公值大元革命之際赴水而死贈太師追封益國公謚文忠殯都昌四都實恩灣弟萬頃號古涯

古心丞相達宗書

萬里叨恩仕版水浮陸走者幾年矣恭承 朝命凜七乎有鈞調瘳理之不可勝任其所幸者邊郵寧謐禾黍連登賴一人有慶得以脩位宰相身無愧也然而蒲柳衰顏閱之忱尊鱸動張翰之思其伴食以固位而不知退食以自安乃老明農以請 聖天子蒙恩吾老而許之以歸今則有家之可居而杖策携酒時省芝山樂意春融宦情雲薄舒老而適世懷不無

望于宗家叫嘯者萬里每與愛梅兄相交累年而寒爐夜坐極談家宗之盛猛思派出 銀青公吾祖即若祖其塋在錦里程錫坑往七樵牧嘔歌于其上牛羊踐食于其間蓋鏤板榜禁約誠非其文霜露既濡松楸動念忝其裔者盍亦為之省警而已惟是峽山之地擬營菟裘第凡夫肉眼徒知山水之奇而不知其奇之奇也更冀特為我顧而高提銀海以觀之愛梅之來幸與偕至臨風按楮不專凡我宗盟之後者鑒察之幸甚

愛梅虎溪江夢良公之號又有江珍等虎溪之宿儒江大正杉坑之賢皆
有功於譜

萬里公前大正杉坑之賢皆

贊紫陽夫子爲介公所製文翰

故恭州通判玉汝江公顯宋乾淳間與紫陽夫子爲模廷交其亡也夫子特筆銘之且謂其爲吏孳也以愛民爲本又惜不至大用以溥其澤于天下公其爲人可知矣一日公某世孫橐其家藏紫陽註來書札及誌銘墨本過余余讀之而嘆曰昔賢者之交也以心不以迹以誠不以僞如有所譽者其有所試矣千載而下三復其文猶能發人高山景行之思爲其後者當何如耶

元統甲戌新安後學汪澤民謹拜手書

濟陽江氏宗譜 卷之八
婆北羅川耽丘先生暨朱氏孺人雙慶圖贊

古而朴者翁之貌和而平者翁之心一丘一壑翁之性友松友筠翁之情
或課耕而鋤隴上之朝雲或教子而吟草堂之春星克恭克儉無侮無爭
陰行其善而不弋乎其高名允有春風之樂而尊月旦之評况朱孺人佐
翁以道內助維勤機絲夜月效傲雞鳴何讓乎鹿門之偕隱何羨乎黻珮
之偕榮行將蒲輪以詔藿蒭以迎芝蘭馥七玉樹森七花筆絢乎瑤階而
高大其門以待旌

姑恭骨

康熙丙辰年冬月吉日

眷教生古坂汪銘熙頓首拜題

御胗公誥勅


奉

天承運

皇帝詔曰嘉善獎績茲爲國之恒經任能授職廼致治之要典匪能私濫
苟克容慳固謂恩秩宜錫有功爾江嘉有宏博之資天性明徹世宗醫
學愜前聖遺旨實甲時英忱爲國珍今

聖主之構患

國母之艱孕俱以良劑而獲奇効歷傳鮮逮攷古罕聞非素練之士孰能
乎此朕甚感悅可無褒崇厥功以彰譽云哉特贈爾爲
封御胗公國醫少監秘書令冀



沐

息典誕膺

誥勅汝其欽命用休奕世遵守罔替勿忘胤兆俾昌壽徵永康生平寵
遇綿遠炳煌

勅命


皇宋慶元庚申歲仲夏吉旦

之寶

天承

奉

命




發北謝坑伯元公 勅命

奉

天承運

皇帝制曰考績報循良之最用獎臣勞推恩溯積累之遺載揚祖澤爾
江伯元乃捐職州同江廷緯之祖父錫光有慶樹德務滋嗣清白之芳
聲澤留再世衍弓裘之令緒祐篤一堂茲以爾孫遵例急公勉贈爾爲
儒林郎錫之勅命於戲聿修念祖膺茂典而益勵新猷有穀貽孫發幽
光而不彰潛德

制曰冊府酬庸聿著人臣之懋績德門輯慶式昭大母之芳徽爾捐職州
同江廷緯之祖母汪氏箴誠揚芬瓊璜表德職勤內助宜家以著其賢



聲澤裕後昆錫類式承乎嘉命茲以爾孫遵例急公馳贈爾為安人於
戲播徽音於彤管壺範彌光膺異數子紫泥天庥永劬

勅命


乾隆二十四年十月十六日

之寶

奉

天承運

皇帝制曰資父事君臣子篤匪躬之誼作忠以孝國家宏錫類之恩爾
江萬玠乃捐職州同江廷緯之父善積於身祥開厥後教子著義方之
訓傳家裕堂構之遺茲以爾子遵例急公贈爾為儒林郎錫之勅命於



戲殊榮必逮於所親寵命用光夫有子承茲優渥永茂忠勤
制曰奉職在公嘉教勞之有自推恩將母宜錫典之攸隆爾捐職州同江
廷緯之母洪氏壺範宜家夙協承筐之媿母儀貽穀載昭畫荻之芳茲
以爾子遵例急公贈爾爲安人於戲彰淑德於不瑕式榮象服膺寵命
之有赫永賁泉壚

勅命

乾隆二十四年十月十六日

之寶

海陽二十四年十月十六日

陳命

文在錄承黃泉

以爾子對爾靈公報爾靈安人效通達時感然不詳矣梁泉孤寡歸命
 德報之母慈力靈歸宜來風謝承宜之德日勤勤錄通德書夫之德
 歸曰奉無由公靈歸德之育自卦風神好且德與之外對爾神靈同
 德報德亦靈效河神歸命承夫休于承茲對爾承其忠德



遂邑徐義公 誥命

奉

天承運


皇帝制曰寵綏國爵式嘉伐闕之勞蔚起門風用表庭幃之訓爾江徐
義乃浙江平陽協左營中軍守脩江子龍之父義方啟後穀似光前
積善在躬樹良型於弓冶克家有子拓令緒於韜鈴茲以覃恩贈爾
爲武德郎浙江平陽協左營中軍守備錫之誥命於戲錫策府之徽
章濶承恩澤荷天家之休命永賁泉壚

制曰怙恃同恩人子勤思於將母赴桓著績王朝錫類以榮親爾鄭氏
乃浙江平陽左營中軍守脩江子龍之母七誠嫺明三遷勤篤令儀



不忒早流珩瑀之聲慈教有成果見干城之器茲以覃恩贈爾爲宜
人於戲錫龍綸而煥采用答勞劬被象服以承休永光泉壤

乾隆二十六年十一月二十日



遂邑子龍公 誥命

奉

天承運

皇帝制曰國威覃布尙勤鞶鼓之思武脩勤修允重干城之選爾浙江平陽協左營中軍守備江子龍材勇著聞韜鈴嫻習戒行振飭具知士伍無譁軍政修明因見拊循有素欣逢慶典宜渙溫綸慈以覃恩授爾爲武德郎錫之誥命於戲策幕府之勲名祇承休命荷天家之光寵勿替成勞

制曰策府疏勲甄武臣之茂績寢門治業闡賢助之徽音爾浙江平陽協左營中軍守備江子龍之妻余氏毓質名作嬪右族擷蘋采藻

風彰宜室之風說禮敦詩具見同心之雅茲以覃恩贈爾爲宜人於
戲錫龍章於閨闈惠問常流荷嘉獎於絲綸幽光永賁

乾隆二十六年十一月二十日



